


鴻志

濛唐

亭



982.8
439

鴻濛其亮

志

唐在禮
題





目錄

一批令呈文附

二肖像

三小傳

四公啟

五誄文

六演說

七詩歌

八輓聯

九輓軸

吳烈士追憶錄

吳烈士追憶錄

十傳儀



參謀本部呈航空學校學員吳永忠飛行失慎受傷身故情形文

爲航空學校學員吳永忠飛行失慎受傷身故情形仰祈

鈞鑒事本月一日上午據第四局長姚任支轉據航空學校報稱本校昨日演習飛機學員吳永忠失慎墜地受傷甚重等情當經特派科長錢桐科員馬興邦前赴該校察看旋據覆稱該學員於昨日下午三點半鐘在試驗場飛演黃字號五十馬力飛機因上升時起勢過猛規正不及僅高飛至三十米達遂推翻落下左腿斷折肩骨重傷心部緊縮狀甚危險當經該校西醫史譜緒加意診治無如傷勢過重醫藥罔效遂於本日下午四時身故等情前來查該學員早經尋常畢業今竟因飛行殞命殊堪憫惜復查該校開辦年來飛行人員以身殉藝者此爲初次似應稍加優恤以勵將來除將撫恤辦法另擬呈請鈞核外謹先備文呈報

大元帥鈞鑒謹呈

批令吳永忠因公殞命深堪憫惻着追贈陸軍步兵上尉照上尉陣亡例從優給卹交陸軍部查照此批

大總統印

中華民國四年五月四日

國務卿徐世昌



吳永忠之肖像



航空學員吳永忠小傳

吳君永忠字子辰。安徽穎上縣人也。曾祖魁三。邑庠生。大父復初。增貢生。父嘉會。庠生。世其家於穎上之北關外。距縣治二十里許。祖若父。雖淡於利祿。皆以未仕終。然前清科名盛時。文章華國。均嘖嘖見稱於世。語云。書經三代。善人多。其行狀雖不概見。爲清季之隱君子。斷可無疑也。嘉會公德配王夫人。舉子四。子辰其季也。長永周。字子堅。南京師範學校畢業生。歷辦邑高等小學校。及教育會等事。成績頗優。客歲九月逝。次早年物故。三永齡。字子壽。邑師範學校畢業生。出祧族房。子辰現年二十有六。妻楊氏。現年二十有七。子多。韜甫六齡。祖若父均捐世。惟母王夫人七旬在堂。初王夫人之舉永忠也。幼而穎慧。嘉會公嘗顧而樂之。曰。此吾家千里駒也。公處世和平。治家謹嚴。諸子咸於提攜時。受其家庭教育。永忠六歲成誦。八歲能操觚。十一歲應童子試。頗爲試官嘉許。三試未終。遂停科。



舉未售。十二歲入邑高等小學。四年畢業。十六歲升潁州中學。前清光緒三十二年畢業。方期遵守庭訓。由高等而大學而歐美。造成專門人材。以承先志而濟世用。會丁父艱。滯於行。然憤強隣逼處。祖國式微。文事皆爲綏圖。武備乃應急需。葬事甫畢。即絕裾北上。懷定遠投筆從戎。伏波馬革裹尸之志。確乎其不可拔。時三十三年二月上旬也。投効京畿陸軍第六鎮十一旅二十三標隨營學校肄業。宣統二年畢業。分發本師候差。三年四月一日。蒙清統制吳委任本團三營九連排長。八月武漢民軍起義。投効晉軍。充當隨員。旋蒙總司令孔。委任本部一等副官。民國元年六月解職回京。考入陸軍將校第三研究所肄業。旋合併改爲將校講習所。修業一年。二年九月。考入航空學校肄業。三年九月。蒙陸軍部呈請補陸軍步兵中尉。十二月二十八日。與考本校尋常畢業合格。蒙

大總統頒示訓辭。暨

參謀本部

陸海軍部派員協同考驗。發給証書。併賜獎品。留校練習高等。四年四月三十號午後三時。在本校試驗場。飛升方至三十餘米達高度。因用力過猛。兼風勢太急。推倒飛機。跌落

地面。身受重傷。當經西醫官史普緒診驗。左腿折斷。右臂受損。最重者頭胸腹三部震動。心脉暴裂。用延息針羈留。以冀復甦。是夕全校人員暨永忠家屬。避守翌日午後四時溘逝。當蒙

大總統給予殯殮費二百八十元。購備衣棺。永忠妻子暨胞兄永齡等。親視含殮。本校自秦校長王教育長以下教員學員辦事員司。於五月三號。均零涕致哀。送其柩於南苑之西勸忠祠停厝。旋蒙

參謀本部呈請

大總統恤贈陸軍步兵上尉。照戰時之例。給予一次恤金五百元。并遺族年恤金十八年。每年三百五十元。陸續給領。以撫孤兒多韜。蒙

大總統特給一千元

副總統兼領參謀本部總長事。黎給予恤金二百元。旋蒙

軍學界發起追悼會。定期七月二十五號。在北京安徽會館開會。是日到會者五百餘人。

內自

京師各部院局所外由

各省將軍巡按以下文武大員并農工商學巡報各界先後派員致祭。素車白馬。極一時之盛。賻金八千餘元。輓聯三百餘幅。祭軸各項儀物。均有記載。交付永忠家屬。九月十二號。由胞兄永齡及家屬搬柩回穎。葬於祖塋之側焉。自古在昔。生榮死哀。徧及天下。首推上聖。次則忠孝。然皆數百年而一見此人。亦數百年祖若宗培植之厚而一生此人。永忠以一學員。殉藝報國。得斯榮名。流芳萬古。亦奇矣。然要非祖德積厚流光。與夫時會所趨。空車發達伊始。得

中央政府眷顧之隆。四百兆同胞屬望之殷。何克臻此。韓退之有言。一死重於泰山。諒哉。余因爲之傳。

民國四年歲在乙卯陽歷十月上旬湖北利川前清優貢本校修輯倪惠淵敬撰



公啓

追悼航空學校學員吳永忠啟

竊維坐不垂堂。徒生曷補。勇能殉難。雖死猶雄。而況國步方艱。夷氛甚惡。學萬人之敵。術究孫臏。御長風而行。步追列子。豈料鴻毛將滿。竟驚墜地之聲。羊刼方臨。莫禁呼天之慘。當亦仁人君子所傷心而厝涕者也。航空學校尋常畢業學員吳永忠。幼承家學。長入戎行。相不羨乎虎頭。志實存于馬革。每謂頒旗贊鼓。未盡韜鈴。聚米量沙。深資兵略。遂入京師。將校講習所而肄業焉。慕儒將之風。投壺如昨。陋偏裨之識。測蠡終窮。思磨盾以晨興。常聞雞而夜起。猶以交通之學。貴有空軍。飛行之才。尤需實習。于是考入航校。于去歲十二月尋常畢業。方冀懸布可登。強臺直上。不圖升騰稍猛。控馭偶疏。遂使飛鳶站站。驟墮泥中。化鳥翩翩。竟歸天上。宛其死矣。情何以堪。劇憐慈親戴白。少婦零青。喬木旣摧。遺孤何託。狐正首邱。仙尉之棺將返。鶻啼子夜。莫宏之血猶殷。嗚呼哀哉。邇超云亡。作誅者恐。

後。林宗將葬。執紼者爭前。矧屬鬼雄。宜爲人惜。爰開追悼大會。藉慰死事英靈。所祈徐子
賁臨。作生芻之薦。范卿無恙。駕白馬而來。



江西巡按使戚揚誄文並序

維中華民國四年四月三十日。空航學校學員陸軍上校安徽吳君子辰。以航空失慎。致受重傷。越翌日。卒於京師。年二十有六。嗚呼哀哉。玉碎蘭摧。海枯石爛。昊天不弔。奪我英豪。血肉慘摩。心脾悽感。一棺蓋身。萬事都已。晝夜不舍。逝者如斯。赫然鬼雄。偉哉史箴。洒淚濡翰。敢以告哀。其辭曰。

惟天生民。自古有死。誰彭誰殤。剝那而已。死得其所。乃勝於生。君子爲善。無傷近名。猗歟吳君。系出華閥。楹也有書。牀也有笏。君抱壯志。憤發於時。區區毛錐。委而去之。擱髀中原。唾手勇爵。魚腹八陣。礪溪三略。鏗而不舍。遂精於勤。由勇求藝。萃之一身。天仙化人。飛行絕迹。神鯉揚鬣。大鵬振翼。僉云壯士。當建奇功。如何穹昊。竟降鞠凶。箕伯不仁。封姨爲虐。折臂洞胸。未由救藥。秦布旣墜。漢槎不歸。茫茫毅魄。去將奚依。昔有奇肱。志諸伯翳。天子失官。始成奇製。爰逮于今。新學大昌。升彼高陵。扼敵之吭。同是師承。或得或失。匪材之殊。

實命之躓。雖命之躓。志則不磨。勇猛精進。烏知其他。倒挽明河。橫排毒霧。靈爽式憑。定昇天路。日月有時。將正首邱。燕樹變色。淮波咽流。伶俜趙孤。悽涼杞婦。垂白倚闔。矧乃有母。君生則榮。君死則哀。日何以哀。憂從中來。莽莽神州。烽燧被野。誰宏遠猶。支此大廈。素車執紼。我愧前賢。靈旗遙望。質用惓然。

步軍統領江朝宗左翼總兵鶴春右翼總兵袁得亮誄文

維中華民國四年七月二十五日步軍統領江朝宗左翼總兵鶴春右翼總兵袁得亮率領全體將士。謹具清酒庶饒。致祭於

吳上尉子辰之靈而進詞曰。鍾靈毓秀。天上祥麟。少懷遠略。超越羣倫。歐風東漸。虎視強鄰。艱難天步。惟懼沈淪。研究航空。迭經寒暑。敵當萬人。精純無侶。駕乘長風。九萬里許。俯視神州。殺費心膂。公輸之巧。破天之荒。君今駕駛。抑何翱翔。風颺突作。塵沙飛揚。機損輪折。挽救無方。災降自天。萬丈殞落。臂折胸傷。君神自若。化鳥歸天。凌雲鷗搏。月夜思鄉。華表之鶴。哀我志士。同弔英魂。焚以楮帛。陳以雞豚。白髮黃口。養撫溫存。君靈可慰。來享清樽。嗚呼尙饗。

航空學校公誄文

維中華民國四年七月二十五日。宜祭之吉。航空學校校長秦國鏞。率全校人等。謹具香帛酒醴不腆之儀。追悼於

故航空學員陸軍上尉吳君永忠子辰烈士之靈席前。曰。覽歐亞之大陸兮。感時勢之變遷。恫戰爭之猛烈兮。復絕後而空前。羌匠心之獨運兮。造飛機以爲船。儼穿雲踏霧以奏奇技兮。爭空中之霸權。展大鵬之翅兮。一飛冲天。作峽蝶之舞兮。丰姿翩翩。風御列子兮。槎泛張騫。朝發扶桑兮。暮宿虞淵。惟我子辰。投筆從戎兮。班生不負少年。願馬革裹尸兮。矢伏波之志堅。慕樂羊之求學兮。服膺拳拳。既精韜略兮。讀孫子之三篇。復營製造兮。仿公輸之飛鳶。陟圯橋而進履兮。表摠謙以締真傳。學已成而問世兮。方將籌德裕之邊策。欲上而整軍兮。抑將屯充國之田。詎料羊角扶搖兮。厄運顛連。致令澠池垂翅兮。爲國軀捐。墮藥而化白蛻兮。知王子喬之已仙。應讖而遇落鳳兮。歎龐士元之可憐。已矣乎。少婦零青兮。鏡破難圓。慈親戴白兮。泣涕漣漣。望帝未歸兮。血染杜鵑。趙武何託兮。目不瞑夫九泉。思豐沛而戀戀兮。魂魄阻夫山川。歌易水之蕭蕭兮。悽切動夫幽燕。幸駿骨黃金兮。

昭王之臺歸然。羨素車白馬兮林宗之弔客三千。託精神於箕尾兮化鳧鳥而班聯。一死重於泰山兮名震乎九垓八埏。宇宙亦虛舟兮大夢之覺獨先。天地眞逆旅兮光陰過而不旋。嗚呼子辰。今而後柔情斬斷兮何恨海之難填。雲車風馬任翱翔兮往來於水滸山巔。友長庚之騎鯨兮訪太乙以乘蓮。偕純陽以跨鶴兮渡弱水而爲飛僊。况丹心照耀千古兮修名立而大節完全。以身殉藝而無愧兮紉蘭蕙以爭妍。惟余同人念疇昔之交誼兮感往事而情牽。或見於夢寢之間兮心自涓涓。迺備一束之生芻兮作餞別之長筵。冀貞魂其不昧兮享薄魯而納微虔。哀哉尙饗。

高魯誄文并序

中華民國四年四月三十日。航空學校學員。吳君子辰。以練習飛航。遇風而殞。越日傷重。卒於京邸。嗚呼哀哉。廷議既贈卹有加。同人復於七月二十五日。開會追悼。禮也。魯曩游學比國。於航空之術。曩有所述。深以未經實驗爲憾。竊惟航空一道。研精之爲難。而冒險以試其術爲尤難。獨惜吳君立志之毅。向學之勇。而死事之烈也。作文以誄之。其詞曰。物質蕃衍。人殫其智。蒐討軍實。海狷陸肆。上探太虛。化工之器。敵愾同仇。乘時而試。歐戰

收果。吾國始芽。將翱將翔。天漢浮槎。懦者橋舌。瞻顧咨嗟。鼓勇懸布。孰啓其華。矯矯吳君。投筆而起。百死無憚。惟愜之恥。偕我同袍。磨礪礪礪。馭氣排空。載飛載止。學以研深。藝以習良。自在游行。適乎莽蒼。何圖箕伯。疾颯怒颺。焚輪飛蓋。遽殞我航。喪我碩彥。百夫之防。嗚呼傷哉。穎毫鍾靈。世家忠孝。稟訓於庭。蜚英於校。伊古賢豪。是則是倣。振靡起衰。於心乃校。鷹鍛其羽。鵬折其翼。壯志未伸。遺恨何極。能執干戈。以衛社稷。古曰國殤。今尤憫惻。嗚呼哀哉。外氣孔熾。日叢詬尤。凡有血氣。怒焉心憂。所賴志士。善爲國謀。有一於此。云何其休。嗚呼哀哉。母老子幼。君豈弗圖。國爾忘家。身殄神愉。君迹誰步。君軌誰趨。成君之志。是謂丈夫。嗚呼哀哉。高魯謹誄。

陸軍中將張敬堯之演說並代答謝詞

今日爲追悼飛行家吳子宸永忠之期。我軍界同胞。不期而會者以數百計。生芻之奠。廣柳之歌。紛至沓來。應接不暇。至於誅幃輝煌。輓章璀璨。繫之維之。以永今夕。或寄慨於白駒。如可贖兮。人百其身。或悲歌夫黃鳥。哭聲震地。哀悼彌天。嗚呼子宸。死而有知。感且不朽矣。然敬堯猶不能已於言者。世界愈出而愈奇。競爭愈演而愈烈。我中華四千年來。自黃帝氏以戰立國。奠茲中土。始作指南之車。以破蚩尤之霧。智勇深沈。神明莫測。入九淵而出九天。即今日之奇技淫巧。輪舶機括。何能出其範圍耶。不過中國神聖相承。形上之道日益求精。形下之器不屑研究。以致高曾架籬。流入四夷耳。其實我中國之智巧。何嘗出西人下也。觀於公輸子之木鳶。列禦寇之御風。諸葛武侯之木牛流馬。俯拾即是。操縱自如。以視今日之電車風舶。飛機潛艇。慘澹經營。曠時費鉅。稍一失慎。動踏危機者。有過之無不及矣。特在上者不爲提倡。在下者不肯研究。以致絕學失傳。反震驚外人之智巧。等於數典者之自忘其祖。良可慨已。不幸遷流至於今日。五洲大通。秦越一室。外人日出其智巧以相角逐。歐亞風雲。日益緊迫。使我仍故步自封。將何以爭立競存於二十世紀。

之時代耶。幸我。

大總統英武天亶，德威並用，痛國勢之不振，歎競爭之劇烈，深悉夫天演之公例，世界之所趨，非整飭軍旅，無以爲立國之本，非研究偵探學術，不足操制勝之券。於是設立學堂，造就將校之才，添練新軍，嚴爲守戰之備。復在南苑開設航空學校，操練飛機，以爲作戰之准備。既經

大總統宸聰獨斷，提倡於上，復有參謀部總次長及局長校長諸公，慘淡經營，總持其事。各教員尤復教授得法，循循善誘。一時學員均係知名之士，越時未久，成績卓著。中國前途軍界異彩，可預賀也。然兵凶戰危，航空之學，尤危中之危者。自鄭君鴻橫貫以來，未幾又有吳子宸之慘傷，死者不可復生，斷者不可復續，傷心慘目，所不忍觀。宜乎人視爲畏途矣。迺此次招考，糾糾武夫，爭先恐後，麇續求學者，幾如一谿之貉，絡繹不絕。於以見士氣可用，皆由

大總統鼓勵激勸之得其道也。夫吳子宸不過區區一學員耳，以學員之傷亡，遽勞各次長局長校長之追悼，同胞之感傷，逝者如是，生者視之，有不感激涕零者乎。嗚呼，浮生若

夢。爲歡幾何河。清可俟人。壽難期富。貴貧賤同。歸於盡然。死有重於泰山死。有輕於鴻毛盜跖雖壽。不如無生。顏淵雖夭。至今不死。若子宸者。死而不朽。雖死猶生。得其所矣。惟念其家貧親老。要妻弱子。幼顧影煢煢。相依爲命。九原可作。何以爲情。一息尙存。泉下亦難瞑目。乃蒙。

大總統破格給卹。並荷 總次長局長校長。及諸君解囊贖助。施雲天之高誼。慰安孤魂。憫涸轍之餘生。慷慨分潤。死者有知。當亦啣環結草之不暇矣。敬堯對於子宸。比鄰桑梓。念切敬恭。誼托葭莩。情關嫺睦。於此會也。實以發起而兼半主之分。敢不勉隨。諸君之後。代表席端。灑滿腔熱血之潮。揮一掬同情之淚。代子宸惜。並爲子宸謝也。噫。

吳烈士追憶錄

參謀本部第四局姚局長演說

今日諸君爲追悼航空學員吳永忠而來師師濟濟極一時之盛或輓以珠玉之辭或誄以沈痛之文或脫驂以相贈或助麥以全交素車白馬冠蓋縱橫酌酒東芻歎歎憑弔任支忝膺

參謀本部局長之任以航校論愧列主人於吳學員更有桑梓之情以會館言慚深鄉誼對於各界諸君責臨開會感謝之不暇夫復何言但諸君或爲中央達官或爲封疆大吏或爲士農工商各界之鉅子皆吾國識時俊傑命世偉人見五洲大勢所趨潮流所及靡非武裝和平各抱軍國主義以爭此生競存亡優勝劣敗故各界諸君惠臨以重航空者重吳君即以重吳君者重航空寓激勸於矜恤之中本愛國之熱忱兼惜才之盛意發舒而爲此會不計尊卑不問生死不論親疏遠邇吳君以上尉而邀此榮幸幾於全國一致實爲亘古未有吾國民之程度增加與夫篤愛軍人之天性勃發誠有一日千里之勢不但爲吾儕所樂觀亦必爲外人所敬畏但任支今日有爲各界諸君敬告者環球各國飛行學術之發明僅數十年耳一千八百六十年以前歐洲之談飛行術者不過設爲理想

如吾國談天雕龍之屬抑或託爲寓言如吾國海瓊蒙莊之輩一千八百六十年以後雖漸趨於事實爲飛行之權輿其時機器未備或犧牲個人之生命而爲之卽有能構巧思者亦不過如吾國公輸之飛鳶文遠之飛車武侯之木牛流馬已耳乃近四十年以來聲光電化及新機器之學日益發明未幾而氣球出焉未幾而飛機出焉未幾而飛艇又出焉然初猶以爲玩弄之具而未知其適於軍用也故德國陸軍猶有禁止製造飛機之令迨前年巴爾幹戰爭發生其勝負悉取決於氣球飛機各國遂重視飛行編制成軍於陸海之外別樹空軍一幟然猶未增空中戰鬥之力止以偵探敵人爲任務也自去歲歐洲大戰發生以來協約同盟兩方面均注重飛行戰鬥徐柏林之飛艇一出而倫敦之夜市不敢燃燈矣巴黎城外之戰法人以一飛機撞擊德之飛艇矣浸假而空中對壘飛機之上置大砲矣浸假而空際交鋒飛艇之上設機關槍矣浸假而炸彈之擲又進而用毒箭矣浸假而電光之閃爍飛行人員可以夜戰矣浸假而機聲之銷滅飛機往來不患射擊矣合以上所述觀之飛行界之能力究莫測其底止未來之功效有吾人目前百思所不能到者然歐洲各國飛行進步之速雖由於政府提倡而製造廠之林立實多人民公共

建設之區諸君追悼吳學員既知飛行爲當今行軍之利器任支甚盼望諸君推此尊重飛行之心合衆人之財力集百工之巧思以多設製造廠并多造飛行人材補政府財力之所不逮吾國萌芽時代之航空正不難一躍而與歐美並駕齊驅也更有爲航空教員學員策勵者古今中外大英雄大事業垂竹帛而銘鼎彝予後人以可頌可歌千秋崇拜者成就雖不一途趨向原無二致要不外此心之運用而已一不可有畏怯心練習航空平時與臨敵同駕上飛機卽當持其勇敢之銳氣獨往獨來置死生於度外歐洲發明飛行之始犧牲多數人之性命前仆後繼乃得有今日之效果駕駛騰空吾人購其飛機而仿造之按其成法而精練之正所謂事半功倍人勞而我逸人難而我易故吾國航空自開學以來兩載于茲其間經過尋常畢業造就者四十餘人技藝雖不敢謂其精而能飛已經試驗得實兩年中固有因飛行受傷之人而戕生殞命者僅見吳學員永忠一人較之歐洲創始飛行所捐驅致命之人數多寡之別不啻天淵豈我巧而彼拙哉因創之勢殊耳歐人以死多數之飛行家而繼起者毫無畏怯之心故能收此美滿之功效我國飛行學員僅隕此一人是不及四十分之一教員學員自茲以往當倍形奮勇無所用其畏

怯也况視死如歸軍人之職馬革裹尸丈夫之志雄壯以死不愈於怯懦以生乎二不可無研究心學以勤而有成術以精而鮮敗風雲雨霧天時不可不研究山川平陂地理不可不研究製造修理人工不可不研究遲速緩急機器之檢查不可不研究升上落下手法之運用不可不研究抑揚頓挫必有節之可尋俯仰高低必有度之可法前車覆後車戒吳學員之失敗正足供各學員之揣摩學問之道經一番之挫折必有一番之進步畏葸者無勇固非軍人之宜鹵莽者無謀尤爲飛行之戒方今

國家締造之時財政困難達於極點我

帥旰食宵衣整軍經武創設航校所以講學儲才防內憂禦外侮奠磐石固苞桑爲人民謀幸福者至矣吳學員之殉難又復特別

撫恤破格

獎勵而各界諸君更不惜助粟捐金以周故員家屬凡飛行人員宜何如奮勉上體政府造就人材之至意下酬同胞宏獎學術之盛情任支今日隨諸君子後與於斯會特爲航校及故員家屬代鳴謝悃以誌不忘豈但追悼云爾哉

航空學校校長秦國鏞演說

吾國航空創自民國二年五月

參謀本部建議呈請

大總統設航空學校於南苑六月由

參謀本部挑選海陸軍官應考先後兩次取准六十人矣吳君永忠與焉 國鏞承

參謀本部委任忝膺校長一席是年九月一日開學本校分學科術科兩課程學科習戰術法文要塞戰地理鎗礮無線電等課程於內堂肄習術科則在工廠考求製造試驗場練習飛行吳君永忠品行純篤緘默寡言以儒生投筆從戎因見內憂外患紛至沓來而愛國熱忱愈久愈篤嘗語人曰我輩軍人當學伏波馬革裹尸以死於沙場爲榮故入校以來奮志求學不遺餘力對於師長則尊敬之對於學友則親愛之兩載於茲學科既遂術科亦精客歲十二月尋常畢業經

參謀本部派員會同本校各教員考驗合格給與獎品及證書維時畢業者三十四人而吳君之純粹爲參謀本部同考官暨本校各教員所嘉許焉自時厥後吳君之志益奮勵

務期高等畢業後來居上吳君於四年四月內已飛數次操縱自如駕駛得法夫飛行學術與他項學術有特別差異之點他項學術不至於死飛行則誓死而後學他項學術精則不死飛行學則愈精而愈死蓋畏死者必不精能精者不畏死而不畏死而竟死焉乃死意中之事非意外之事不精則不死不死則不精愈精愈死愈精吳君之死吳君之精也非疏也求死而得死吳君之心可無憾矣四月三十日午後二時吳君因精飛行術在本校試驗場競飛折下當受重傷左腳折右臂斷腦胸腹等部震動昇至病院歷數時不省人事本校教員學員暨吳君家屬環伺邏守焉西醫史譜序用延息針延之然吳君已自知其必死翌日午後二時奮然大呼不能爲國殺敵者三遂溘逝而家事則一語未及焉若吳君者可謂勇於以身殉藝而報國者矣方吳君罹禍之時

參謀本部派員慰問長逝之後

中央政府破格撫恤由本部呈請

統恤贈陸軍步兵上尉照戰時之例給予一次恤金四百五十元并遺族年金二十四年每年三百五十元陸續給領以撫孤兒多韜又蒙

大總統特給一千元

副總統兼領參謀本部總長事黎給予恤金二百元我

中央政府以重吳君者重航空重航空者重吳君可謂至矣今又承各部總長次長局長師長科長同人等發起追悼會定於本日開會追悼凡我國軍政農工商學警報各界贈以賻儀哀以誄詞屬以輓歌素車白馬憑弔歎噓者數百人洵足以慰英烈於地下九原有知吳君當必愧慚感泣容身無地吳君已矣國鏞忝爲校長不得不爲吳君代謝諸君以答盛情但恨各界仁人君子雲天高誼寸草春暉圖報未由耳雖然諸君所以追悼吳君者實重吾航空也重吾航空其希望吾航空之前途所願必奢惟有自責之以冀答諸君之盛情於萬一自責維何一本校之教員二本校之學員三故員之家屬皆其所當自責者也國鏞乃本校之校長自開學以來創辦多艱雖略有成績爲國人所謬獎不實而副名問心多咎飛行以機器爲進步製造不良則飛行莫由發達國鏞以之櫟之材當此鉅任製造既非專家財力尤多支絀朝夕惶恐慮無以副我國人之望今因吳君殞謝各界視如珍寶以國士相待已死者誼尙難受未死者情何以堪國鏞與各教員自今以往

苟不勉力竭才以研究製造之何以精飛行之何以良各學科之教授何以進步其尙責以爲人乎碌碌者覆餗是懼昏昏者使人爲憂此國鏞與教育長暨各教員不敢不自國者一也吳君死矣各界諸君雖重視吳君而悲歌之惋惜之安能起吳君於地下以可報人乎昔人有以五百金市駿骨者不數年而千里馬至者三此燕昭王所以禮郭隗也各界諸君追悼吳學員所希望者在各學員能精其業以身報國而鋤內憂捍外患也語云位不期驕祿不期侈今日吳學員受各界之寵榮各學員當刻勵自責勿生其驕侈之心宜見人之寵我則居寵當思其危見人之榮我則受榮當思其辱遇寵而侈則危者至遇榮而驕則辱者至水能載舟亦能覆舟苟自修之不善危我航空學員者未必非寵我航空學員之人辱我航空學員者未必非榮我航空學員之人况吳君受其寵榮於先而各學員當其危辱之激刺於後此必然之勢而又不平之情也然欲免此危辱惟有精吾之學術篤吾之忠貞勉勉而行之謙謙以出之各界諸君於吳君何厚於各員何薄於吳君何親於各學員何疏但能精益求精學術盡其在己他日克敵獻虜功名立寵榮不滋大乎此各學員不敢不自責者二也吳君死而各界諸君恤其吳君之家屬非盡憂吳君

屬之貧也。府金倉粟揮之不惜者，所以報吳君也。寡婦孤兒，天下甚多。各界諸君思報吳君，自不得不撫恤吳君之家屬，以別異於他人之寡婦孤兒。而爲吳君之寡婦孤兒者，將何以自別於他人之寡婦孤兒？以謝各界諸君而答其盛情耶？古有寡婦莫如共姜，古有孤兒莫如趙武，共姜守節，趙武復興，斯無愧矣。今而後用一錢當思吳係君之血肉，作一事當思答衆人之盛情。寡婦莫如貞孤兒，莫如教立名，以全吳君之名。則人皆曰：有婦成名，以繼吳君之名。則人皆曰：有子斯足，以答各界之厚誼。高情而瞑吳君之目于九泉矣。然尤有進者：婦孺何知貴？有輔助伯叔兄弟孤寡之干城也。關公秉燭程嬰，存孤異姓，猶然何況同胞？觀今日追悼之盛，爲吳君家屬者，非善繼善述，不足以慰吳君。尤不足副衆望也。此吳君家屬不敢不自責者三也。三者之人，不同事，不同趨，向不同，而各立其名，以全吳君之名，並以全航校之名，則同國鑪代，吳君鳴謝，不得不重三者之自責，以答各界諸君之盛情，相期於不忘云。

吳 烈 士 追 憶 錄

參謀本部第一局朱科長銘瑤之演說

本日爲飛行家吳君永忠開會追悼吳君家屬行狀死事情形開會理由及關係已經秦校長報告演述張師長切實發揮又由姚局長說明航空事業本屬不惜性命各國因此犧牲者數見不鮮我國航校尙屬初次因校長維持保護胆大心細故冒險而少遇險雖有失慎者未曾致命此次之變實出意外爲之惋惜既往勸勉將來感謝同人論議層層俱到面面皆圓句句爲銘瑤所欲言句句爲銘瑤所不能言銘瑤從諸君子之後來展哀忱夫復何言將欲對航空界發言則有厲教員之現身說法大言炎炎將欲就事實推闡則有秦校長之崇論閎議三自責之說酣鬯淋漓得未曾有將欲陳述基本定理則重心安全氣體比重諸定律到會諸君均學問淹博力學物理類能道之然則其遂無言乎銘瑤對於今日之會竊抱有兩種觀念一悲觀一樂觀奚以悲因吳君學術過人將來高等畢業以後可爲國家做一番大事業爲軍界放一大光彩乃不幸而死此非特吳君之不幸亦軍界之不幸非特軍界之不幸亦中華民國之不幸若徒憫其少婦零青慈親垂白孤兒黃口猶其小焉者也所以有悲觀觀念曷爲樂人誰不死或重泰山或輕鴻毛今吳

君爲國家而死爲學術而死其死非尋常可比此次各界同人開會追悼哀誄詩歌其所
以傳吳君者至矣則吳君雖死猶生也況其死足以促成科學之進步增長空軍之價值
捐軀一朝流芳百世以視庸碌無聞雖生曷補者相去奚啻霄壤所以有樂觀觀念

本校教員厲汝燕之演說

今日之會係屬特別追悼會常有不自今始爲軍人開之爲義士開之爲烈士開之即爲飛行家亦曾有開之者何特別之有此次開會追悼軍人之飛行家故曰特別鄙人飛行家一分子謹就航空界聊致數言一爲已死之飛行家表謝悃今日死者吳君之軀殼不死者吳君之靈魂上尉頭銜戰時恤予則吳君之功烈未死名人哀誅琳琅四壁則吳君之榮名未死各界賻儀待遇優渥即未贈金錢者素車白馬冒暑而來其軫恤厚意與賻助金錢者同一哀矜崇拜彼閨中少婦雖失其最親愛所天對此生榮死哀可無遺憾此當爲已死飛行家致其感謝者也一爲生存之飛行家貢愚忱人誰無死死貴得所或輕於鴻毛或重於泰山吾輩正當善自抉擇故鑑吳君之死益加審慎則可因吳君之死致生畏縮則不可悼傷吳君之死誓將勇往成功則可豔羨吳君之死遂爾鹵莽慎事則不可須知視死如歸本軍人天職前者仆後者繼終必達其目的以雄飛於東亞無論今日幸而不死或後死而死期未至卽死矣鬼亦稱雄大名垂宇宙中外同欽何所餒懼何所遲疑而不鼓勇前進此則願與生存飛行家同深策勵者也方今輿論對吳君之死論議

不一大別之約有當死與不當死之說爲當死之說者謂演習失慎或由於學術不精死其宜也持論似近於刻爲不當死之說者謂既非教育不善機器不良駕駛不精無死之道胡以死况飛機墜落寧止一次一人受傷輕於吳君者有之固不死重於吳君者有之亦不死茲吳君獨死命也殆所謂千慮一失者歟以其死委之於氣數之適然刻論固失矣任命亦未爲得也鄙意吳君之死與軍人之死敵同陸海軍之遇敵也兩軍對壘作戰計畫既定致其決心少算敗多算勝兵家常理雖有時成敗利鈍非可逆料然謀定後戰可決其必無危險空軍則不然學成以後時時帶危險性質以有天時關係地點關係空氣關係機械關係雖老於駕駛者不能必其安全不必在角鬪時也即此演習之頃如臨大敵矣故吳君之死謂之殉技也可謂之死敵也亦無不可抑尤有進者失敗者成功之母各國發明一種學術無不犧牲許多生命財產始有進步吾國集各國之大成機器取其精良駕駛法其便捷他人擲無數生命財產吾得事半功倍飛行之術可與各國並駕齊驅今吳君之事實可促成科學之進步前車之鑒後車之鑒前事不忘後事之師吾願軍學政商各界幸不以吳君之死爲可懼當視爲科學進步之朕兆軍界因之益重視飛

行學界因之專研究飛行政界因之極力提倡飛行商界因之踴躍投資製造以利飛行全國注重飛行而空軍得以成立使吳君之死永遠爲一大紀念到會各界諸君倫一致贊同抱斯志也以往則中國航空前途希望無窮矣

吳烈士追憶錄

輓

黃裳治輓詩

天道那堪說斯人尤可哀三年制利器萬文遭奇災不惜危機蹈原期大敵摧全功嗟未竟爲厲祝歸來

陳壽彭輓詩屏四幅

盧教若士無羽翼御風汗漫騁八極周公創造指南鍼飛車乃入奇肱國後人結想欲凌空捷徑終南有路通遨遊笑挾飛仙去奚用金丹九轉功吳郎巧操修月斧天外昂頭厭塵土飄然尸解證真仙從此雲霄視萬古我昔西行出玉關常登碧落看塵寰無奈神仙薄凡骨依然墜落羈人間天際歸舟三十載意氣消磨鬢髮改銀漢支機消息沈想亦桑田變滄海或云吳郎才可惜常有母妻晝夜泣修文縱到白玉樓嘔碎心肝淚沾臆泰山重豈鴻毛輕身外何須問死生吳郎自挹浮邱袖手把芙蓉朝玉京

劉文紀輓歌四闋調寄月輪缺

模範團司務長前肄業航校

生人多恨身無翼難得翔雲際歐洲技術家由是發明新利器直上層霄千百級飛動憑

人力行軍之際偵察敵情炸丸隨手擲我國武備修設校專究航空事至危極險首當其衝傷哉吳猛士 右第一闕

猛士本出名宦裔累世叨科第讀書萬卷奢壯心忽薄毛錐子三年就學航空裏爰悟奇肱意摹地昇騰凌空駕駛不憚身親試何期數太奇機巧動遭神鬼忌風伯爲虐秦堞不蘇膏恨成長逝 右第二闕

我聞烈士死疆場血化秋燐碧又聞飛行家探險失踪南北極烈士從來殉名死原非所惜前車之覆後車之鑒况復留成績但願同校人不因茲便灰心志前者仆焉後者繼之對鏡臻精詣 右第三闕

伶仃一座望夫石嚶嚶茲噉泣更有呱呱兒問天呼父父無迹英傑身後慘如此未免酸人鼻猛士可爲而不可爲胡以勸後世安得慈善家對此百倍宏施濟巨卿素車純仁麥舟一旦爭來集 右第四闕

海軍部軍法司林國賡羅之彥周克盛林鑑殷等輓歌橫聯一幅

男兒生此要身在九霄名垂千古天外罡風悲失足一刹墜諸塵土骨碎身殘危機失利

鏗鏘猶能語關心軍國忘却酸楚志在恥雪中原雄稱東亞氣吞胡虜解得英雄銜恨處
此是航空基礎莽莽神州飛行無忌萬古雲霄羽倫邀追憶應遺銅鑄

族祖吳世榮輓詩

五洲爭尙霸空權製造飛機巧奪天御氣漫將誇列子乘槎共許說張騫凌霄壯志方行
馬墮劫罟風竟墜鳶千載英雄成底事那堪回首憶幽燕
將星耿耿賽長庚墜落光芒浩氣生一點丹心垂簡冊滿腔熱血洒天京劍留徐墓千秋
仰鶴駕緱山萬載鳴與汝何時魂夢會除非皓月照三更

穎上仁里學校全體輓調

4 倫 4 人 5 伸 4 濱 軍 論 身 濱 鄰 曠 身 濱 筠 春 魂 濱
5 比 5 萬 4 願 5 江 行 足 此 江 西 管 一 江 柏 六 月 江
6 無 6 敵 6 志 6 皖 飛 何 寄 皖 東 目 此 皖 松 甫 夜 皖
5 拔 5 學 1 生 6 來 職 鳶 搖 來 視 冠 牲 來 回 星 招 來
5 超 4 力 2 平 5 歸 一 木 扶 歸 俯 衝 犧 歸 不 孤 空 歸

6 異 5 欲 1 把 4 兮 樹 輪 向 兮 高 髮 惜 兮 折 上 水 兮
6 英 6 更 1 欲 1 魂 獨 公 欲 魂 升 壯 不 魂 百 掌 穎 魂
一 一 一 一 一 2 3 4
1 君 1 子 5 甚 5 恨 君 子 了 上 君 逼 夢 應 君 髮 往 見
2 吳 2 班 4 岌 4 古 吳 列 日 天 吳 咄 駟 夫 吳 白 自 常
1 我 1 師 6 危 6 千 惟 效 何 歸 日 咄 猶 萬 獨 悲 長 不
6 哉 6 筆 1 艱 1 成 哉 行 擾 尾 哉 雨 胞 呼 哉 上 舍 毛
5 美 5 投 2 時 2 頓 美 一 紛 箕 美 美 同 一 美 堂 館 鳳
4 嗟 4 願 1 擊 1 蹶 嗟 風 世 騎 磋 風 視 臂 嗟 幃 棄 角
4 吁 4 有 1 日 1 一 吁 乘 塵 身 吁 歐 徧 振 吁 萱 捐 麟

輓聯謹依收到先後次序分列于后

絕學殉奇肱步泰西諸飛行家志決身殲雲霄萬古

罡風驚蛻羽失吾國一豪傑士風流儒雅搖落同悲

稅務處監督三水梁士詒輓

繼公輸竹木翔空原期數千年絕學載興折骨剝心酬祖國

慟子數人琴俱喪還仗四百兆同胞高誼府金倉粟恤君家

政事堂法制局局長顧鰲輓

知禍福不避趨以身試險竟能首破天荒龍城飛將推先烈

視生死如朝暮爲國捐軀何異躬臨前敵馬革英雄是善終

前內閣總理熊希齡輓

造物竟不爲世靳才耶何居初登于天後入于地

當代乃有以身殉學者惜乎吾聞其語未見其人

教育部總長湯化龍

南苑慘風雲憐壯志未酬忽驚天閭折翼
健兒好身手祝靈魂不死重向大陸飛行

教育部次長梁善濟輓

提起國民尙武精神便教粉骨碎身死而無悔
凌駕歐人冒險性質後此排空馭氣才亦甚難

海軍部總長劉冠雄輓

意氣薄雲男子寧甘牖下死
精誠貫日健兒定化飛空仙

陸軍部次長蔣作賓
田中玉

桑梓早知名志在飛揚振翮碧霄誇絕技
風雲空際會神歸縹渺傷心白髮泣高堂

步軍統領江朝宗左
右翼總兵鶴
袁得亮
春

孤露慕班生方期燕頤封侯銅柱遠從邊外立

御風師列子竟等龍沙暴骨國殤誰向墓前書

京師警察總監吳炳湘輓

乘長淮數百里菁英而出不讓終軍羽冠公瑾少年奮尙武精神方期名立學成來日聲
施彌歐亞

創中國四千年戰備之奇絕勝文遠飛車孔明流馬擅航空技術詎意風馳電駛將星倏
忽墜雲霄

山西將軍閻錫山輓

壯懷直抗青雲上

遺骨應埋碧血中

江蘇將軍馮國璋輓

歸去竟乘風一蹶頓成千古恨

訃傳同屑涕百身莫贖萬夫雄

湖南將軍湯薌銘輓

是五千年特出奇材升九天復墜九淵斯人竟干造物忌

動四百兆同胞悲感爲國殤未成國器此後還資濟變才

江西昌武將軍李純軌

神游于泱莽之間方期力振長風三年克遂飛騰願
志奮乎扶搖而上詎料夢符折翼一瞑徒悲事業空

廣西巡按使張鳴岐軌

來日大難東亞西歐方有事

乘風歸去瓊樓玉宇不勝寒

山東巡按使蔡儒楷軌

馭艇駕長風此日粉身能報國

流芳垂後世他年尊學有傳人

福建按巡使許世英軌

嗟夫烈士效班超投筆讀孫子遺書制勝猶擬出奇習航空窺歐亞抱國心殷詎知身躍
仙山外

悼爾英魂望丁令歸來想范卿追祭雖死可以無恨殉技藝爲邦家精忠譽美從此名標
畫閣中

察哈爾都統何宗蓮輓

航空仿流馬方期盡瘁鞠躬大名並諸葛不朽
凌漢駕木鳶誰料粉身碎骨絕技與公輪同灰

陸軍第七師師長張敬堯輓

探航空技術試冒險行爲急起直追擎拳天山初展翼
以廿六年華處二十世紀高瞻遠矚茫茫人海獨捐軀

陸軍第四師師長楊善德率全師軍官輓

飛行絕迹拔爾奇才壯志快凌雲正不徒牛斗乘槎闖風縹緲
海闊天空忽垂勁翮前功悲逝水却堪羨生能高舉死定超升

軍中將勳三位陸軍第六師師長馬繼增輓

藝術方成痛若人站站墜身壯志空隨一命逝

光陰易過願後日莘莘學子勤修共補九原悲

軍第三師師長曹錕輓

古高士御風以行祇理想寓言軀巧運機成實事

飛將軍自天而降縱犧牲生命航空冒險有傳人

雲南陸軍第一師師長張子貞輓

造物眞忌才壯志未酬遽令垂天折翼身先死

浮生原若夢大名不朽堪欽爲國捐軀姓永芳

陸軍第六師師長葉頌清輓

繼宗愨志效列子行絕技演權輿剛冀天半御風不翼而飛雄燕北

辭老母終別妻孥去慘痛遭機折劇憐航空墜地傷心之計到荆南

湖北第一師師長石星川輓

投筆從戎業精將術學究空軍圖報國家稱有志

登仙化羽死重泰山名騰寰海增光史册屬斯人

稽查營務處處長膝朝來輓

業精軍事學術究飛行家詎意小試鴻謀捐軀報國

驚墜風電聲慘短英雄氣要知壯懷馬革雖死猶生

軍警督察處處長馬龍標輓

壯志竟難償頻年來破浪乘風誰是如公稱健者

苦心終不佑頃刻間慘霜淒雨能勿爲國惜斯人

山東德縣兵工廠總辦王亨鑒輓

逐夸父日御列子風空際方期航直上

飛喬令鳧化丁公鶴魂歸應信鬼猶雄

直隸左翼巡防隊統領唐啓堯輓

傳騎箕尾歸天上

列御罡風墮劫塵

通海鎮守使管雲臣輓

是儒士是軍人方期駕駛長風創中華飛行奇局

爲國家爲時勢遽忍犧牲一己示後來冒險精神

台州鎮守使張載揚輓

我國有偉人長思駕艇飛橈如天馬行空一挽狂瀾之倒

彼蒼忌奇技致令風吹月落若游龍墮地頓教齋志以終

江甯鎮守使王廷楨輓

御風而行綠沈衣墮

英名猶在碧葬沙寒

上海鎮守使鄭汝成輓

公輸木鳶其捷弗若列子御風其式弗若藝術試航空方期奇技異能發明新機軼

歐美

董父登堞而高倍之季路結纓而促倍之飛行驚墜地永訣慈親稚子尙存壯氣聳

雲天

天津鎮守使商德全輓

是真超世之英采，鶴凌虛欲展奇肱，支北斗
竟逐飛仙而去，游龍折御拚將熱血洒南薰。

陳雪岑輓

試技竟戕生，惜虛萬里乘風願
自古皆有死，難得千秋殉藝名。

贛北鎮守使吳金彪輓

躡月窟以飛行壯志，欲凌霄抱恨九原心未死
登天門而夢覺捐軀終爲國扶搖萬里鬼猶雄。

江西潯陽道尹吳筠孫輓

爲中國開藝學先聲，不期御風未行墮地折輪蒼蒼無情碧海外
於斯世成飛行絕業想見歸神太素高衢整轡冉冉含笑白雲間。

冀南鎮守使王懷慶輓

其學如旭日初昇生而穎異

願公乘長風萬里歿有英靈

多防鎮守使蕭良臣輓

廿六年精城貫日繼承弓冶貽謀方虞國步維艱蛇豕餘威期挫折
九萬里意氣凌霄肄習航空妙術詎料天衢偶阻鷓鴣折翼緩飛騰

陸軍第十師師長陸軍中將盧永祥輓

作冒險家惟大英雄輕生若此

求新奇學歎偉烈士慘死如斯

陸軍第一師全體軍官輓

噓雲氣而駕天定因風遽隕

執干戈以衛社稷有志未成

樓思誥輓

大英雄思學萬人敵乃施縮地法作昇天行駕五洲而上之爲中原航空界一放光明初
不料翼折重霄陶侃應夢

喟但想見神遊八表傳說騎箕

飛將軍欲收百戰功却懸捧日心試拏雲手甘九死其未悔過南苑勸忠祠長增感

贛西道尹邵啟賢輓

武力薄層霄看來予智自雄戰勝列強推利器

聲名足亘古太息以身殉學競爭繼起慰英靈

總理稽查營務處顧鴻恩輓

空戰此權輿視國爲重視身爲輕太息英才弱一個

乘化竟歸盡殉藝不生殉名不死固知浩氣足千秋

參謀本局第四局同人輓

矢志在領空惜中道云亡未克乘風破萬里浪

殉學何遺恨但繼起有責佇望爲山竟一簣功

參謀本部第四局局長姚任支輓

列子御風以行冷然善也

將軍自天而下豈非仙乎

教育部普通教育司司長伍崇學輓

墮地繼環龍殉藝而終南苑千年藏血碧

昇天乘黃鶴斯人已去西山萬古剩峯青

教育部主事張文廉輓

飛鳶御長風方欣壯志摹空航海梯山齊頰首

精虹貫白日竟使此身殉藝人間天上共招魂

安徽參謀長李玉麟輓

奪志羨雄飛全憑丹心碧血奪來軍事先聲愛國豈尤身壽短

傳心嗟雁杳一念其毅魄英魂倡起人文後望悼亡嘗使衆情殷

陸軍第七師參謀長胡國棟輓

壯志無成詎化龍飛去應偕霄漢英靈偵探險夷驅鬼伯

國恥未雪望騎鶴歸來徧告神州華族整頓軍旅勝羣強

陸軍第八師參謀長孫樹林輓

壯志竟難酬死而有靈魂將來享

人生知何似天如可問術豈終窮

江蘇參謀長師景雲輓

騰身尙覺九霄低智已驚羣勇先殉藝

誓志竟成千古恨生爲人傑死亦鬼雄

昌武將軍行署 軍法課長席 鏞

軍務課長李殿臣

軍需課長劉同春

參謀長 方本仁

軍醫課長趙寶箴

副官長 楊恩培

航空仰奇才霎時石破天驚頓使隻身成玉碎

飛行思猛士淒絕風蕭雨晦定知雄鬼出秋墳

京畿軍政執法處處長雷震春

游藝九州御風八極

算天上委蛻人間

大理院書記廳同人輓

報國未酬飛將志

招魂空使楚人悲

安徽會館會長劉朝望輓

鼓枻航空看星景雲卿八伯興歌堪紀盛

騎箕歸去想珠宮絳闕九天高處不勝寒

陸軍部參事林攝輓

絕迹快冲霄縱令溝壑殞身志士雄心猶傳萬口

處世若大夢似此軍民同惜聞風起懦已足千秋

陸軍部軍務司科長雷炳焜輓

前途曩遠後患方殷天不欲救中華乎胡爲有志者演此慘劇

老母何依遺孤誰託君其未斬吳祀耶再祝飛行家繼以英才

步三十旅旅副南國清輓

絕藝重歐風憶當時碧落漫游早許廉頗嫺將略
壯忤悲薤露願同志青雲共奮莫因季子墮雄心

李世偉輓

飛將共知名劇憐火色鳶肩封侯芸命身先殞
生人誰不死願識沙場馬革爲國捐驅鬼亦難

參謀本部第六局同人輓

爲國忘軀驚墜垂天羽翼
登堂慰母幸承繼世英姿

參謀本部第五局同人輓

高翔自爾通天表
一死應爲曠代難

番禺陳慶和輓

騰身向碧落間游，獨往獨來爲與列強爭勝負。
失足自青雲下墜，一生一死能教全國壯軍威。

陸軍大學教育長尹扶一輓

小艇放空行憶當時周轉雲天意，匠惟憑雙翼薄。
全球驚烈戰痛我國漂搖風雨奇，男早已一身輕。

陸軍部科員朱鑑徵輓

壯志未酬胡爲乎御風而行凌空而去，
英靈不泯會看此功成有日繼起有人。

江西省會警察廳廳長閻恩榮輓

壯士不顧生能探險出奇作用都歸眼底，
仙馭縱難挽知衛民輔國呵護當在雲中。

陸軍第八師砲兵第一營營長冉繁敏輓

廿六齡學業進修慕彼班超投筆列子御風向空際，
以周旋萬里鴻征共訝飛來驚天上。

三千里鄉關遠隔拋却垂白慈親零青少婦嗟藐孤其何託一朝鶴化長留遺恨在人間
湖北陸軍測量局局長朱次璋輓

於東西製造中研究飛機休閒是單葉是複葉既看破生死關頭不甘以苟免游戲塵寰
方許能捐軀社稷
從陸海兵備外別謀韜略無論爲平時爲戰時但具冒險性質縱或因失慎返真天上
也算得効命疆場

憲兵學校校長殷學潢輓

畢生慘痛壯志難伸交友當年悲舊雨
塵世迷茫招魂何處扶搖萬里御長風

歐美同學會輓

大園孤行人物當傳世界史
一冥萬禩霄漢常懸決鬥心

北京師範學校校長方還輓

歐風美雨相逼而來男兒矢志從戎方觀駕駛術高海陸戰爭皆失色
碎骨粉身難以爲報我輩同心爲國可惜飛將命短山雲震撼太無情

蒙藏學校輓

生有自來頻年造就航空獨運匠心勤學業
死無所苦一刻遽昇天界定知箕尾托精神

北京軍學研究社同人輓

臨弔三千人生也何榮死也何哀有幸青山埋白骨
扶搖九萬里忽焉而升倏焉而降上窮碧落下黃泉

張偕輓

忠孝不能兩盡遺恤妻兒拚此身碎骨粉尸千仗何妨一落
精強欲比列邦端資械器願諸君臥薪嘗膽再厲以竟全功

海軍部軍學司司長謝葆璋輓

珍重謝慈闈賴有繞膝孤孀猶刮青眸看白髮

虛空將國事竟至長身粉碎未窮碧落遽黃泉

海軍部司副官林文或輪機少將鄭懋昭輓

直上橫行飛將軍從天而來下

紛身碎骨好男兒無命欲何如

海軍少校方卓鳴上尉蔣元恭輓

忽而碧落忽而黃泉視死如歸天下無難事

能使頑廉能使懦立餘勇可賈晚近有幾人

海軍部衡司同人輓

飛將軍自天而下

奇男子視死如歸

楊念榮輓

開震日五千年飛控之先遠躡高瞻壯氣已直凌歐亞

從扶搖九萬里摩空而下名完身碎英靈應上薄雲霄

廬自濱輓

奮不顧身傷心人同聲一哭

勇能殉藝有志士自足千秋

瞿大椿輓

殞天上星辰不磨壯志

祝神州男子繼起雄飛

薛家駿輓

廿六齡志切鵬搏方期列子有功從此富國強兵堪拭目

一霎時禍同鳶墜匪特藐孤莫託更兼慈親少婦倍傷心

福州海軍學校全體校員輓

飛將軍突然從天而下

環龍氏難以專美於前

陸軍軍官學校公輓

雲路天風共惜揚靈未竟
雄心絕技却憐齋志以終

福州海軍學校校長王桐輓

御天馬兮行空善騎者墜
駕木鳶而折翼賚志以終

步兵四十團第一營營長聶慶恭輓

從來大智若愚痛觀列強肆橫不惜精神挽世局
留得此身何用故藉凌霄一蹶拚將生命警同胞

許傳章王國均同輓

壯志未酬悲逝水
英風宛在仰高山

步兵 團團長李長明輓

大志未伸千秋遺恨

英名弗墜百世流芳

步兵二十七團團附冷萬春輓

妙空空手懸搖搖旌飄蕩蕩

從洞洞天降潑潑地慘悽悽

陸軍步兵第四十團團長朱聲廣輓

習軍事振奮精神固吾華國疆場方共期瞰徧輿圖目空敵壘

爲學術棄拋軀體失我少年英俊那不令同人短氣行路傷心

陸軍第十師砲十團營長馬凌雲輓

造物忌奇才似此志存探險學究飛行正宜令馬當風送遇順鴻毛詎期整鬪無端驚綴
羽

同胞悲烈士對茲上棄慈闈下遺孤子那不痛汪錡國殤哀深鶴化共切傷心何處賦招
魂

陸軍第十師一等書記官柴之燾輓

君來時值海水橫飛欲共驃騎出塞先隨博望乘槎扶搖上九霄故駕天船擊楫中流明壯志

我憑弔恨雲山無主不逢穎谷封人但買燕京駿骨蹤躅留千載托精箕尾披髮他日下大荒

步兵三十八團二營營長王柏林輓

爲國捐軀雖死亦壯
以身殉藝履險如夷

陸軍第七師礮兵第一營營長倪朝璽輓

投班生筆御列子風豪氣羨凌空方期壯志能酬萬里烽煙歸掃淨
賦汨羅篇洒長沙淚英才嗟早折所望同胞繼起滿天旌彩看飛揚

陸軍第七師步兵十四旅旅長吳新田輓

憶曩昔冒險冲霄御風天上人爭羨
歎今日愁雲慘霧飛將星沈志未終

連長孔範義張春臺王逢祥輓

羨報國心堅祇求鳶飛技熟奮爾前程定當決勝西歐爭雄東亞
惜冲霄志急忽逢羊角風狂阻其進步竟使魂歸天上身墜塵埃

陸軍第七師礮兵第二營營長李雲魁輓

無忝爾所生欲學天馬行空發明戰術強黃種

自古皆有死縱教木鳶墜地長留姓字在紅塵

陸軍中將第八師十五旅旅長王汝勤輓

中國航空初創辦不辭碎骨粉身極端提倡

少年英志遽凋零可歎親老子幼諸待扶持

步兵二十八團陳雙印葉振棟張金寶二營六連趙鴻鈞孫慶文同輓

逝者長已矣本掀天揭地才惜未盡其蘊齎志以終悲觀竟演千秋恨

來日猶可追懷破浪乘風願苟起步厥塵前功莫廢壯烈當推第一人

陸軍第七師步兵十三旅旅長張松柏輓

精求飛術原報國熱忱豈期命隕青年齎志竟遺無限憾
撫卹孤兒本酬庸令典况復哀憐白髮斷腸常盼未歸人

礮七團書記官王慶春輓

繼西歐創辦航空踏霧穿雲蓬萊飛渡三千里

過南苑忽驚星隕悽風冷月易水寒銷五夜魂

陸軍第七師步兵二十八團三營營長段芝成輓

雄壯以死愈於庸碌而生所惜國步艱難大志未酬先玉碎

領空競權後此戰爭益烈還望英才繼起邊防不懈固金甌

二十八團團長劉寶善輓

飛行成績已超羣方期直上青雲他時俯瞰全球獨樹空軍一幟

造物忌才洵可痛忍令橫推碧落此日傷心異地竟留遺恨千秋

二十八團團附丁萬清輓

人忌鄭鴻君航業幾衰幸同胞愛國情深續學飛行仍勵志

天摧吳季子空軍不振會我輩招魂淚洒追懷烈士倍傷心

步二十八團第一營營長胡景福輓

當歐亞競爭時代惟武裝可保和平飛行界編制成軍增加多少列強戰鬪力
值國家開創初年憑學問以資升選好男兒捐軀殉藝感傷幾許志士功名心

陸軍第七師步二十六團三營全營官佐輓

奇男子壯志凌雲伸而不屈

大丈夫捐軀報國死亦猶生

陸軍第七師步兵二十五團二營營長劉朝臣輓

長空直與鳥爭飛偷鴻毛風順定雁陣天橫朝發扶桑暮虞淵往哲寓言今成實事
毅魄應隨鵠泣血縱鳧鳥仙登恨鵬程遠上拋慈圍下孤子冥途零涕難慰羈魂

步兵二十五團三營營長張貴方輓

君騎箕尾登僊長嘯一聲天地風雲皆變色

我來燕京追薦羈魂千里山川草木總傷神

步兵二十六團二營營長姜永安輓

凌霄償夙願死豈輕於鴻毛要知爲國捐軀大名與河山並壽

洒淚弔英雄心早傷夫鳶墜還翼空軍進步繼起使泉壤增光

二十五團一營營長駱敬輓

浩氣冲斗牛碎骨粉身非憾事

英名垂竹帛素車白馬弔忠魂

步兵二十六團一營全營官佐輓

五大洲競尙飛行立國當強存翊亡之世賴經武整軍幸諸公急起直追共乘長風

破萬里浪

廿六歲知求實學畢業自初級高等以還復從戎投筆歎烈士顛危傾覆獨悲逝水

潰十年功

步兵二十六團本部軍官同輓

乘風破浪御氣凌霄君自大名垂宇宙

化鶴升天飛鳶墜地我來何處哭英雄

李鵬輓

烈士殉名不惜碎骨粹身獨行其志

忠心報國那管燕山潁水兩地招魂

張玉齡輓

駕慈航而登仙靈魂知在雲霄外

願犧牲以報國浩氣常存天壤間

步兵二十六團全體官佐輓

世局倩扶持忍忘荆棘銅駝肉殼獨歸乾淨土

佛門欣解脫穩跨翩躚仙鶴英魂早赴大羅天

陸軍第七師工兵一連長高殿揚輓

御氣憑虛遂九霄直上願

捐軀爲國留千古不磨名

第四師騎兵四團三營營長王克儉輓

驚人偉業都是好男兒，鐵血換來小試竟捐軀。
恨素志未酬一躍遽傳鳶翅折，愛國輕生全賴諸同胞。
熱心提倡後塵速進步，庶雄飛繼起他年樂道燕詒光。

第七師正軍械官葉御奎輓

妙術御風行，奈何天道無知遽召長材依帝座。
大名同日曜，即此都門追悼永留記念在人間。

王文豹輓

巧技學航空，想當日奮志鵬程真能鼓翼升天衢。
足踏風雲肩挑日月，光明放軍界縱今朝。
慘身鶴化應作飛仙渡，弱水生爲人傑死亦鬼雄。

陸軍第七師騎兵第七團二營營長潘玉田輓

青雲得路騰身與風伯齊驅，方望君雄飛萬里。
白日升天上帝共英靈，默佑定有人駕駛全球。

陸軍第七師獸醫處處長薛作哲輓

航術正萌芽強健如先生忍教鶴化仙歸壯志未酬天不弔
領空爭疆界艱難此時局劇令鳶飛翼折雄才長逝我傷情

陸軍第七師輜兵連長張成麟輓

爾今爲厲鬼

我仍作勞人

四團第二營營長王廷蘭輓

想生前推食解衣常思精忠報國

歎今日愁雲慘雨當饗俎豆馨香

陸軍第四師騎四團團長高在田輓

馭機習航空憶爾時精藝競飛寧殞其身不墜其志

假館開追悼痛我君捐軀爲國雖死之日猶生之年

陸軍第七師步兵十四旅二十七團一營官佐輓

纔逾弱冠之年華小校畢業中校畢業航校又畢業他日爲國家造福大可預期何蒼昊

無情不予其壽

因試飛機而作古政界傷心學界傷心軍界更傷心今時逢唁弔良辰用申致奠倘英靈有感應許來歆

陸軍第七師步兵十四旅二十七團第一營營長陳驥輓

殉藝播榮名矢死靡他骨折筋殘誠可痛

招魂彰盛舉有神來格英靈毅魄尙如生

陸軍第七師騎兵七團團附姚成章輓

爲國捐軀而今已矣

大名終古逝者如斯

陸軍第七師步兵第二十六團團附張敬湯輓

航空漫羨徐柏林薊北飛鴻竟遭厄運

泉下若逢德路乞歐西雄鬼應訂同心

步兵二十八團二營六連 司慎言 韓鴻賓 馬金嶺 馮國有輓

爲學殞命爲國捐軀雖死猶雄恨未能展翅橫空掃蕩歐風美雨
是大丈夫是奇男子浮生若夢羨此際香花供奉魂招皖水燕山

陸軍第八師步兵三十團一營營長鄭廣鎔輓

以身殉藝奇男子視死如歸不計七旬老母六歲孤兒竟薄雲霄偕傳說騎箕去
爲國捐軀衆同胞長歌當哭聊將一束生芻三杯魯酒共邀魂魄隨蒙莊化鶴來

陸軍步兵二十七團團長陳熙春輓

浩氣冲霄萬里鵬飛渾身是膽

丹忱射斗九天鶴化雖死猶生

陸軍第七師步二十八團六連正目

盧興棟單永良賈玉山苗金玉樊國章
張玉聲紀詩亭李漢光唐山唐冠州同輓

雲路半升騰蒼茫折翼君竟千古長辭魂歸淨土

麥羹一盂飯大衆傷心我亦三杯追薦淚洒燕山

李榮昌周長春劉文太龔傑翟玉堂張仲文劉桂華輓

苦心孤誼立志成名方期駕駛飛騰縱橫掃盡數千里
盡瘁鞠躬捐軀爲國此際拈花弔祭感慨悲傷億萬人

機關鎗一連郝廣福戴廣俊田恩光謝景全輓

學千古未有奇技探險航空都只爲國弱民貧業業兢兢謀幸福
留萬世不朽英名粉身殞命堪憐那母老子幼悽悽慘慘最傷心

陸軍第七師砲兵第七團團長劉振玉輓

飛將軍馭氣凌霄搏扶搖九萬程途愛國早拚身命

奇男子登天墜地脫混濁三千世界領空賴失干城

陸軍第十師步兵二十旅旅長榮道一輓

投筆學萬人敵恨羊角無情賴使大星隕白晝

御風作九霄游期鵬程得意渾忘曠野走青燐

陸軍步兵第十九旅旅長王賓輓

效鳶飛之戾天端賴機樞翱翔何曾藉羽翼

觸羊角而墜地銳求技藝性命不惜作犧牲

陸軍步兵第三十七團第一營營長何道仁輓

技術習航空方期大展經綸清寢宇掃烟雲副我國同胞厚望

蒼茫登天險遽爾橫遭權折切鄉關感軍界令吾人觸目驚心

步兵二營營長任學剛輓

破浪跨長風直上扶搖九萬里

拚生殉絕藝遙追君子六千人

陸軍步兵第三十八團第一營營長金榜辰輓

破浪乘長風萬里空全世界小五大洲痛陸海之沈淪肯讓遊鯤獨運

翻身歷霄漢九重路斷征鴻魂銷天馬溯伊人兮宛在何時化鶴歸來

陸軍步兵第三十八團團長馬鴻烈輓

看航空一葉飛機逝將焉往跌傷只爲風狂痛矣英靈返天上

留學校百年恨事志莫能伸墮地縱云星殞卓然令望在人間

陸軍騎兵第七團團長馮占元輓

蓬萊一去航學半途壯志付東流可悲可憫

毅魄九霄英靈千載高風空碧落堪慕堪思

陸軍砲兵七團第三營營長姜占元

行神如空行氣如虹碧落盪胸間壯懷直欲吞歐美

手翻作雲手覆作雨環球歸眼底毅魄定能固國防

陸軍騎兵七團第一營營長楊福魁

壯懷未遂身先死

浩氣長存姓永芳

陸軍步兵少校張鳳山輓

妙才有志凌雲追風逐日捷足先登超以象外得其寰中知他年多事海疆飛將神功能

固圉

奇士無端鍛羽碎骨粉身壯心未已皓月三更長空萬里倘再遇乘機校友慈航天路定

扶輪

陸軍第八師梁得勝 苗得霖 陳如漢 于如周 同輓

一時飛將都道君願破浪萬里乘長風氣盛心雄咸推捍國衛民必由妙手
千古卓才獨屬爾欲擊楫中流作砥柱身殲志決縱到翻雲覆雨未肯回頭

陸軍第一師步兵四十團三營營長張明哲輓

奇技練空軍方期豐滿羽毛揮日九天展壯志

英才遭浩劫竟令摧殘肢體乘風萬里誤先機

陸軍步兵四十團二營營長楊杏林輓

此君志切凌雲破浪乘風眼底應嫌歐亞窄

今日軀捐爲國粉身碎骨人間永著姓名香

陸軍砲兵第十團團長王坦敬輓

車御奇肱不數當年飛將

天登折翼又少一个英才

陸軍砲兵第十團三營營長鄭蘭芝輓

空中矯健如游龍雷奔電馳浩氣九霄曾直上

天外悲聲聽唳鶴風清月白英魂五夜可歸來

陸軍第十師三十九團第一營營長林傳香輓

大飛行家空際翱翔不避艱險

真奇烈士尸成粉碎乃是完人

陸軍第十師二十九團團長張慕韓輓

風伯肆威遽爾禍延烈士

箕星常曜早知死托精神

陸軍第 師步兵三十九團二營營長邢得春輓

盪舟霄漢問浩浩乎縱一葦之所如方期制勝列強權操于我

轉軸乾坤外飄飄然儼遺世而獨立得非厭棄下土羽化登仙

陸軍三十九團三營營長吳景安輓

張博望奉使樂乎此日銀河槎早泛
丁令威學仙去矣何年梓里鶴歸來

陸軍第 師砲兵第十團團附陳典瑞輓

當日破浪乘風本欲凌煙留畫像

今朝焚香酌酒共傷化羽在英年

陸軍第 師砲兵第十團二營營長葉寶珍輓

何須馬革裹尸爲國捐生便是奇男子

漫說鴻毛輕命從天而下斯真飛將軍

曹 瑾輓

列子御風行超前軼後

將軍從天降雖死猶生

曹作鵬輓

冷然御風行舍陸海而外向碧落爭權重國防實由欲洗國恥

忽焉騎箕去仰斗山之高合黃金鑄像當斯世安得不弔斯人

陸軍步兵二十七團三營長王國楨

心秉正氣術習飛行當其白日上升奮翼應驅人間魍魎

生作健兒死爲雄鬼雖遇罡風墜落騎箕定返天上星辰

劉家鈺尤文伯王中和輓

絕技凌空心踏實

忠骸委地神歸天

陸軍步兵二十八團二營營長李廷英輓

航羨行空周秦諸子以還幾見習斯學術

身甘殉葬中西偉人之列合當揖此英靈

李鴻舉輓

男兒立志成名要爭世界雄飛豈等鴻毛輕死去

烈士捐軀爲國正是皖江潮漲好將馬革裹尸還

王萬福輓

希往哲長風適成飛行專家神技空歸天上演
洒同胞老淚似此捐軀爲國英名恆在世間垂

武學社同人輓

有召悼巫陽人去台空那堪對掌上孤星闈內慈雲闈中冷月
無情怨風伯颺狂艇墜最淒絕一足盡折兩肩全碎雙目不瞑

張敬武輓

壯志凌雲霄不圖萬里扶搖撒手竟成千古恨
大名垂宇宙試看三千弔客鞠躬可慰九原靈

南苑保衛局長李繼相 副局長李銓之輓

浩浩乎馮虛御風正欲功成以報國
飄飄然遺世獨立何圖羽化而登仙

趙俊卿輓

學業究專門極蟠天際地之能皖江增色

英魂歸上界置亞雨歐風莫問大陸生塵

駐四川技術營營長孔繁錦輓

風雲變態奇談兵聚首曾幾何時昊天胡不弔劇傷萬里扶搖致令哀震燕京魂銷皖水
陸海邊防緊殉藝捐軀竟飄然去造物真忌才忍壞一家機杼頓教望迷蜀道腸斷楚人

駐四川技術營第四連連長秦國達輓

摩空壯志薄飛鴻凌霄漢冠斗牛方期逐日追風競炫技能誇震旦

誰識君身是仙骨駕慈航登道岸始知落花流水別有天地非人間 閩心廣輓

壯哉惟有航空家天風浪浪海山蒼蒼萬里輿圖歸眼底

慘矣莫如奇烈士中心搖搖行邁靡靡霎時肢體化塵埃

護軍警察隊長佟崑泰扎倫布傅雙厚等輓

陸軍海軍進演空軍雷奔電馳撒抖精神練絕技

農戰商戰不如學戰雲翻雨覆拚將身命警同胞

護軍警察總隊官佟勝祿分隊官何緒振輓

佩先生練習空軍志決身殲雲霄萬古

牖後進講求飛術心靈手敏學業千秋

護軍警察第四隊隊長松海分隊長德順伊綿布排長等輓

弱水蓬萊飛仙競渡

皖江燕市兩地招魂

護軍警察第二隊隊長伊桂森分隊長海慶德海等輓

爲社會計亦爲民生計值此環瀛角勝世界武裝冀得乘風破浪蕩滌中原詎知造物無情致令木鷲墜地

是飛行家即是探險家際茲大廈力撐棟樑待搆拚將碎骨粉身犧牲報國還望英雄繼

起常教天馬騰空

紐傳賓 王俊昌 朱繡章輓

通航藝以游行奮志從軍方期氣壯虹霓東亞西歐齊崇拜

駕空艇而無敵精忠報國詎意形同鳧寫人間天上總銷魂

公府護衛司令范樂田輓

滿腔熱血廿載韶華劇憐壯志未酬駿骨竟歸燕市上

萬里長風一朝浩劫迴憶慈親尙健鷗魂應戀皖江濱

軍需總監李恩慶輓

爲吾國大飛行家豈圖風急天高痛遭慘禍

際今日開追悼會權藉菽漿桂酒敬表哀忱

郝棟臣輓

舊雨難再逢回溯君藏熱血我抱精誠坐談五大洲任憑他海枯山崩同心報國

飛星其永墜痛觀老母倚閭孤兒陟岵路隔三千里那堪這燕雲潁水兩地招魂

彭年輓

禍從天上來耿耿將星墜地有聲成玉碎

君辭人間去茫茫亞陸整軍無術展雄飛

前清湖南知縣蜀東彭宜輝輓

伯夷餓死首陽稱到于今誠不以富亦祇以異

黃帝飛昇白日遙集望古吾聞其語未見其人

分發四川知事楚北余賓寅輓

仿公輪製造飛鳶創始非西歐振古如茲休用奇能誇外國

繼黃帝上昇白日闕疑補正史自今而後莫將異術議前人

農商部主事張實聲輓

浮槎直欲擬張騫詎料天門遭折翼

飛將方欣得李廣竟教漢室阨封侯

李寶圭輓

天步果艱難指日升階偏令半途折翼

人亡悲殄瘁乘風破浪那堪大業飛灰

京師憲兵營營長陳興亞輓

御風以行豈是人間蓬島瀛洲客

渡河而死定驚天上牛郎織女星

南營游緝隊幫統參將鮑維翰輓

翔九千仞聘不羈才一蹶遽長辭壯志憑燕雲北上

捨七尺軀償報國願三呼竟永訣英靈自潁水東流

傅名山輓

壯士果何心履危涉險多緣國步艱難故將天馬行空力驅魔障

英雄真短氣破浪乘風詎料封姨妬嫉竟令雲鴻吹落爪印泥塗

陳慶周蔡國顯宣德功輓

我國航空方在萌芽君緣提倡飛行故不惜碎骨粉身作導綫

犧牲性命如同草芥人盡追思烈士疇弗願素車白馬弔英魂

萬錫平輓

凌霄有志君難遂

續命無丹我更悲

唐洪恩輓

闡列禦寇奇思御風而行共羨虛詞成實事

應陶士行噩夢折翼下墜由來粉骨是完人

參謀本部一局科長朱銘瑤輓

痛內憂外患相逼而來投筆從戎三年嘔盡心頭血

拋老母弱妻愴然以去捐軀爲國千載長留身後名 拱衛軍左路統領李得勝輓

成敗奚足論所慮者航空初步後起乏人未從克敵獻俘遽爾奪龍城飛將

死生原有命最慘是少年傷亡家庭寢寔剩此孤兒寡婦何以慰鶴髮高堂

拱衛軍左路副官蔡景 郭樹棠 許用海等輓

凌雲未遂身先死

舊雨常懷淚滿襟

拱衛軍左路第三營管帶白金章輓

進陸海以練空軍研究奇能所貴乎救民強國

舍死生而邀卹典旌揚善類最望者繼志有人

拱衛軍砲隊第二營管帶孫海峯輓

壯志薄雲霄蒼穹碧落九萬里升騰如翬斯飛如鳥斯革

大名垂宇宙白馬素車三千人臨弔其生也榮其死也哀

拱衛軍左路第四營管帶張鳳翰輓

鷹揚奮尙父雌以伏忽雄以飛揮羽扁作開國元勳允矣鼎名垂竹帛

鶴化偕牟尼死之年卽生之日駕慈航登上方極樂漫將珠淚洒荷花

拱衛軍砲隊三營管帶沈炳南輓

爲國圖強力任艱難遺恨未酬鵬翮志

同人追悼情深涕淚尙希繼起鳳毛才

拱衛軍砲隊統帶田友望望輓

先生何許人也等終軍弱冠乘宗慤長風大地任雄飛佇看拂盡烟雲洗光日月

彼蒼其方醉耶驚香草沈羅慘儀鴻折羽九原難再作悵望寒挂寶劍鼓碎銅琶

拱衛軍右路幫統郭桂林輓

造物太無情飛將軍又弱一個

此身誰不死碎骨骸乃是完人

禁衛軍步兵第二旅旅長陸軍少將田獻章輓

龍隱海天雲萬里

鶴齡華表月三更

拱衛軍後路幫統王汝儉輓

壯志未酬此日橫空龍化去

將星忽隕何時重見鶴歸來

拱衛軍總司令官李進才輓

騎鯨夜冷天邊月

駕鶴朝棲嶺上雲

拱衛軍後路第三營管帶宮文彩輓

平生壯志三更夢

萬里西風一雁哀

拱衛軍後路第四營管帶陳玉堂輓

易水空寒風蕭瑟

將星高落月淒涼

拱衛軍後路統領劉金標輓

志抱凌雲空前絕後

軀捐爲國雖死猶生

拱衛軍右路第一營管帶霍維藩輓

凌霄未竟英雄志

薄海同悲烈士魂

拱衛軍右路副官梁仲明輓

作陸海軍樞機方期教育宏通萃南北英才精研戰學

挾飛行家技術遽爾狂飈摧折合中西將士憑弔羈魂

拱衛軍右路統領劉富有輓

環球共仰英名北斗高橫蓬萊飛渡

上帝亦哀烈士愁雲黯淡夜月淒涼

護軍警察第三隊隊長李紳泰分隊長 索玉山 伊清阿 排長等輓

憑虛御風萬人共仰

捐軀爲國薄海同悲

拱衛軍總司令部參謀王樹榕 段世琛 周鼎銘 衛承祖等輓

壯志正飛騰迴翔天路窺人海

奇才偏偃蹇太息罡風隕客星

拱衛軍總司令部副官李沛霖 張德勝 吳觀樂 李振龍輓

我公騎黃龍白日升天一霎時骨肉摧殘薄海嘯歎悲壯志

故鄉在楚尾吳頭之地三千里關山阻隔皖江鳴咽弔羈魂

拱衛軍右路第三營管帶任聯甲輓

窮碧落而高飛東游蓑萊西渡弱水

遇颶風以化羽生爲人傑死作鬼雄

劉榮椿輓

列禦寇御風而行名垂中史

丁令威化鶴以去魂返上天

北洋行營發審處暨緝捕營輓

欲酬壯志窺天險

不惜捐軀爲國殉

霍元輔 英 炯輓

猗歟休哉君之術鴻毛將滿萬里翱翔方期同歐洲諸大強邦競爭絕技

嗚呼慘矣公竟死喬木其摧九天昏曠能不與吾國一般人士共弔英魂

費士築輓

我公是天上星辰光復後名著雲台今朝返樸歸真廿八宿中定增位置
仙客虛人間甲子環顧時厭聞歐戰此日凌空御氣二十世紀謝絕塵寰

榮勳 沈銘昌輓

與世競新不曾俯瞰五洲是真遺恨

致身爲國從此環周八表長有忠魂

胡翔林輓

回天力士曾有幾人方將鵬翅奮飛極目燕雲揚彩色

捧日奇才又弱一個試看鴻毛零落傷心潁水瀉悲聲

徐文學 郭德興輓

術演飛行其藝精其志果詎料才高見忌竟至戕賊天年慘矣然而生爲英死而爲雄雖
死猶生夫復何恨

事同探險非釣譽非沽名深憤國弱難支不惜犧牲性命傷哉自母失所養子失所怙願
母及子用以告哀

陸軍少將五等文虎章陸軍第九混成旅步兵第二團團長馬孟驥輓

未振其羽遽促厥年遠志竟成終古恨

戢翼一棺羈魂千里得心空賦大招篇

察哈爾警察廳廳長張振聲輓

無情風雨造物任飄搖正值雲龍騰上偏將天馬吹翻零落星辰憐季子

新締河山列強多環伺與其雌伏圖存毋寧雄飛而死犧牲性命喚同胞

穎上縣鄉小弟陶月如 魏子壽 程鳳翔 張學楷輓

風雨搖搖隻身欲靖多方難

雲霄毛羽一蹶終留萬古名

吳應科 張仁侃輓

憶平昔同縣復同坊相求同氣勝於同胞當時金石同盟同道同志同德同心雖未同學

同飛曾誓同仇破虜

歎今日異鄉爲異客莫展異才竟作異物此後幽明異路異地異天異山異水那怕異名

異姓還期異世逢君

如兄張肇敏輓

蓋粉此身願諸君毋作悲觀前次蹉跎今番進步

雲霄極目知我公不無遺恨兒猶在抱母未終堂

歙縣會館同人輓

毛羽初豐欲以飛行占燕領

頭顱成血竟從空際赴鑾轎

于文華輓

國正需夫好男子

天胡奪此飛將軍

汪子揚輓

公輸方試飛鳶術

龐統竟逢落鳳坡

于文華再輓

落紅不是無情化作昏泥培遠植

四大既皆空相何來狂颶葬英魂

民國大學職員輓

舉首長空憶指點雲烟恍留舊影

側身世字看蒼茫烽火誰起斯人

秦虎宸輓

卹典慰亡魂動四百兆人觀感

芳徽留紀念爲三萬千日光榮

韓希堯輓

能遠引高翔上捫星宿

眞紛身碎骨以報國家

劉鎬輓

季子其不憾乎上遺白頭老母下遺黃口孤兒鄉關何處魂難返

鄭君已前往矣彼也製造捐軀此也飛行殞命湘水無情弔豈知

王幼安 喬俊盤輓

滄海桑田須知故國魂何在

光天化日都是青年血換來

趙先謙輓

十餘年車笠相依君趨我步方期共濟時艱詎料乘太虛御長風倏爾人間天上

三千里鄉關鴛遠妻寡子孤縱使隆膺卹典那堪對暮雲思春樹空招義魄忠魂

如弟游方輓

大豪傑乃心爲國死亦無妨所深情壯志難伸雄才未展

飛將軍一墜捐軀情其可慘最堪憐堂前母老膝下兒孤 世愚姪張廷獻輓

太空風景信如何豈伊黃鶴樓頭繫誰邀君一去塵寰不復返

往日音書猶間斷此後白雲天末嗟我與子那堪泉路寄相思 眷弟張星橋輓

撒手太無情憶昔同堂共話憂樂相關原期對亞雨歐風性命犧牲酬祖國

傷心曷有極撫今與世長辭興亡孰責疇堪此荆天棘地肝腸碎斷弔英雄

如弟蕭寶瓊輓

冲天奮志振翻雲霄詎期風轉蓬飄化作飛花輕墜落

異地棲魂含酸泉壤况戀慈親幼子那能瞑目任逍遙

愚弟李春明輓

鶴唳風淒綠水青山餘泣淚

鷓啼月冷素車白馬倍愴神

白雲觀方丈中央道教會會長陳明霖輓

飛將軍自天而降

須菩提於意云何

蒙藏院簽事

丹徒何賓笙輓

岑公垂翅誤入窮途造物忌英才頓使青年灰壯志

列子御風竟遭慘變菩薩具慈念快將寶筏渡幽魂

中央佛教會輓

神乎其技矣破浪乘風方期直上青雲鷹揚奏績

遊將焉往兮奔雷馳電胡竟杳如黃鶴羽化登仙

合肥宣象離輓

將軍由天上飛來方期俯瞰瀛洲從此知中國有人免強鄰笑我

慘劇自雲間演出堪痛陡歸泉路問誰侍白頭老母撫黃口孤兒

趙景林輓

爲軍國倡起雄風壯氣凌空一舉竟飛鐵漢血

墜輪迴沈淪浩劫捐軀殉藝千秋猶斷石人腸

張富燮輓

忽焉而青雲上哉碧落往還轉瞬竟昇仙化羽

飄然若黃鶴去也紅塵斷絕傷心是幼子慈親

合肥許用海輓

駕一葉之扁舟雲散風流鳶影都隨殘照盡

痛銷魂分香草鳥啼花謝鶻聲那待暮春歸

皖城鄭汝衡輓

列子御風從此去

令威化鶴不重來

石棣旅京同鄉輓

未展壯猷酬壯志

劇憐飛將死飛行

周勳輓

遺像猶存大有尙武精神在

少微歸去定作修文曹部多

績溪縣鄉愚弟胡奇輓

壯志未酬詎意委身殉絕藝

敵氛甚惡何堪洒淚弔英魂

績溪會館旅京同鄉輓

航術方萌芽正藉重英才詎料騎箕仙逝去

空軍有基礎當勿忘烈士應教跨鶴魂歸來

粟耀曾輓

有御風逐日才能倏爾星殞燕都忍令萱堂七秩桂子六齡俯仰無依撒手竟成千古恨
操馳電奔雷技術詎意身摧箕伯可憐魂魄歸天肝腦塗地死生永訣同胞共抱九原悲

邢世欽輓

壯士直將手托宗邦駕歐凌美上超日月之高奈一飛冲天燕市同聲悲駿骨
斯人不愧靈鍾皖水造誼立身卻出風塵以外倘三生有石粉榆重叙話桑麻

黟縣會館旅京同鄉輓

正鴻毛遇順時鐵羽竟成災兩皖健兒弱一個

負馬革裹尸志有懷雖未逢九天毅魄自千秋

歙縣旅京同鄉會輓

志存天馬行空演成絕技駕全球而上之爲國捐軀何所恨

遇等雲龍際會永著大名雖千古猶生也粉身碎骨有餘榮

愚弟楊從權輓

將欲於上天下地之間占層席以抗強隣壯志未酬遺恨遠

寧忍棄老母孤兒而去奈空中亦關界務國防爲重我生輕

安徽公校輓

敢來上國觀光飛則冲天素志早堪驚異族

惟恐中原減色魂雖入地青靈猶自盼同胞

姜鳴球輓

富進取性與歐美爭雄術超航海梯山奇男子何妨一死

作破天荒爲國家吐氣學得追風逐日飛將軍自足千秋

世愚弟姜德森輓

御風而行冷然善也計程九萬里搏扶搖而上之正當天步艱難迷前途觸狂飈罹浩劫

排雲以降嗚呼哀哉厄數廿六齡粉骨身以殉矣最慘家庭寢寢老母遺少婦泣孤兒

桐城旅京同鄉 汪石夫 施祥雲 錢殿臣 方敏恭輓

愛國奮精誠磨鍊飛行冀振聲威光宇宙

驚人來噩耗咄嗟殞命迸傾涕淚哭英雄

梁心田輓

效伏波入塞繼起還貴有人往者猶可追馬革裹尸但願捐軀泯國恥

學列子御風素志原非惜死天乎胡不佑牛刀甫試頓驚失足墜輪迴

張宣元 楊率真輓

幼而同學長復同袍方期雲路先登克成駿業

如此奇才罹斯奇禍慟恨風颺肆虐隕鵬程

硯弟王震寰輓

九萬里鵬路云遙羨吾友捷足先登君方昂頭窮碧落

二三月魚猶在痛此時乘雲不返我欲搔首問蒼天

硯弟孫照斗輓

不憂不懼蹈險履危振皖水之聲無如此子

爲國爲民捐軀殉藝自鄭君而後又見斯人

鄉愚弟張世珍 王清林輓

生榮死哀如之何以可及

飛昇羽化杳不知其所終

天津商務總會輓

爲國捐軀高飛未遂凌雲志

自古有死短折同悲命世英

南昌商務總會輓

航海梯山往來便利那若御風行得諸君努力前途軍人進一步商人進一步

雲衝天路頃刻升沈飄然騰空去悲烈士粉身下墜易水賦招魂皖水賦招魂

北京商務總會輓

公輸技倫成知子鵬程高萬里

燕臺基尙在何人駿骨值千金

陸軍騎兵上校馬驥輓

不翼而飛直同天馬木鷲允矣古今妙技

捐軀爲國縱令紛身碎骨依然宇宙完人

湘潭馬惠迪輓

英才絕學紹寄肱鵬搏大展爲祖國競空權奮翮高凌溟海北

壯士前身是太白噩耗遙傳與謫仙爭聲價隨風直到夜郎西

湖北利川縣高等小學校校長冉嗣昌校監馬炳麟輓

噩耗自北來萬山中爲爾師哭高弟爲吾國哭英才巴水薊門遙望關河揮老淚

雄飛占東亞廿世紀成陸戰之奇功成海軍之絕技歐風美雨全憑霄漢握空權

湖北咸豐縣高等小學校校長覃南軒輓

航空學又進一步

飛將軍永著千秋

馬吉符輓

碧落黃泉英氣在

神州赤縣國殤尊

新華儲蓄銀行輓

壯志切凌雲馮唐易老李廣難封歎浮生兮若夢

前功悲逝水列子御風莊周舞蝶竟羽化而登仙 禁衛軍步兵二團全體軍官輓

淚洒與招魂相聞變出非常顏色猶疑落月照

數奇惜飛將若使死而可作英靈無礙御風行

愚弟吳仲修劉學煥周憲琨台大鈞輓

苦學就京華竟遭這樣鞠凶造物忌英才可痛哉鶴化長遊卒年先顏淵而短命

訃音傳梓里陡聞如斯噩耗吉人應天相胡爲乎鴻猷未展結果等韓子之旅亡

右營幫統劉鳳藻 管帶劉殿元輓

五千年未有斯奇能看乘風破浪走馬行空自此以還函谷失丸泥長江非天塹

廿世紀獨操之絕技惜折翼摧輪飛鳶墜地伊人何在燕山埋駿骨潁水吊羈魂

陸軍軍官學校輓

勢同暴濤舟彼以拙力此以巧能况復長空優陸地

死類雄投閼渠爲失身君爲報國須知粉骨是完人 騎兵七團二營全體官佐輓

李子劍猶存挂去墳頭定教寒帶星霜氣冲牛斗

吳郎斧何在探來月窟應許掃清魔障殺淨天驕

陸軍第八師步兵三十團田錦章輓

粉身碎骨千秋烈士此至行有茲毅魄忠魂足令歐美之間滅銷封豕長蛇計

御氣乘雲往哲寓言今實事得斯異能奇技證明周秦以下多少百家諸子書

詹洪恩輓

陸軍海戰難收功願同志學術求精天空練慣拿雲手

東亞西歐方有事祝先生靈魂不死霄漢常懸決鬥心 周蔭棠輓

國步正艱難何幸龍城飛將壯我軍威他年學樊噲行匈奴伏波平交趾

天心真醉夢忍教燕市英雄登仙羽化此日同屈原弔湘水庾信哀江南

江南留鄂陸軍第十一師師長黎天才輓

我自荆襄作客勝蹟訪臥龍爭羨木牛流馬千古奇談詎料公輪製器博望乘槎果令飛
將軍由天而降

君從燕薊登仙噩音同落鳳忍教粹骨粉身九霄下墜要知伏波裹尸長宏濺血迺真好
男子視死如歸

江南留鄂第十一師書記官楊文麟輓

殉藝夏聲宏名傳燕市譽重龍城忠魂歸去皖江冷

弔君春景暮血任鴉啼心傷鳶墜噩耗飛來蜀道難

蜀中楊潤輓

君操絕技薄雲霄幸空軍進步迫歐美諸飛行家豈羨乎鳶削公輪槎乘博望
我爲籌邊旋梓里忽噩耗傳來失亞東一豪傑士那得不魂招翼北淚洒滇南

陸軍部諮議官刁安文輓

散聚本無常去年今日與子比鄰居公餘之暇談皖江風景道蜀山春光曾幾何時東飛
伯勞西飛燕

死生誠有數天上人間任君撐艇去羽化登仙泛銀漢客槎作芙蓉城主獨立遺世花爲

四壁船爲家

前航空學校一等書記官李運忠輓

效列子之御風失足頓成千古恨

繼環龍而墮地傳心惟望六齡童

浙江體育會 呂公望葉頌清主 榮全輓

飛行絕技仗奇才何圖竟弱一個

冒險捐軀留偉績自堪不朽千秋

海軍部副官處羅環蕭寶珩鳳瑞林庭望陳復魏春泉沈奎劉秉謙藍寅甘聯丹輓

弱冠入戎行能薄千萬仞御風而行縱教失慎歸真應呼雄鬼

同胞多志士倘補廿六齡請纓之願定爾齊名飛將藉慰忠魂

李均郭長綿劉翔雲張世清李實榮孫其祥全輓

上升下降儼回游戲在雲端看大家俱富有冒險精神直欲氣吞一世

後輓前推早置死生於度外願從此益發展飛行事業都能名巨千秋

憲兵學校教育長 教員 王子甄馬巖寶家楨鄔時馮福長唐新民余晉和等輓

碧落纔危機覆雨翻雲驚慘夢

紅羊悲浩劫人間天上總銷魂

陸軍軍需學校教育長劉文藻

方擬乘長風破萬里浪

遽爾遭短折失百夫防

河南教育會

英雄氣概但願一飛冲天視張雋客犯斗牛不爲異事

時勢艱危何辭五體投地媿趙鼎神騎箕尾別有哀思

陸軍大學校校長胡龍驥

生爲人傑死作鬼雄重壤有靈遺恨未摧強敵

升天不驚墮地無怨環球共仰新聞遠播芳名

海軍部參事廳吳振南吳家儀劉傳綬施仲祐徐興倉劉寶銘

飛將軍突然從天而下

環龍氏難以專美於前

陸軍大學校

擅奇肱術成折翼悲豈將以混沌終於吾土靳鑿空才憾汝天醉

留白頭親剩黃口子惜未向沙場死讓我輩洒愛國血配斯鬼雄

陸軍大學校學員劉光瑜趙杰馬嗣良邱衛華韓希愈羅緯輓

不死於戰爭應猶遺憾

乘化以歸盡夫復何悲

國民大學校學員輓

一飛冲天賚志沒地

萬方多難與子同仇

教育部秘書畢惠康

陳任中

劉文炳

鄧文瑗輓

在學校以盡厥功力瘁心勞已是爲山九仞

乘飛機而遭不測風微人往悵然弱水三千

北京體育總會輓

壯志欲凌雲那知行學御風遽爾逍遙歸碧落

捐軀緣報國莫訝血流滿地此君端合鑄黃金

齊 侗輓

御風比列逐日同夸倘教遇順鴻毛儘可飛昇天界

國殤傷汪鬼雄弔屈只恨裹尸馬革未能戰死沙場

徐邦傑輓

此生徒抱冲天志

斯世同欽冒險家

邢濬清輓

羨君奉使乘槎駕飛機游徧白雲間獨往獨來創我國五千年奇局

悼爾領空爭霸被箕伯推翻碧落外無遠無邇動人民四百兆哀思 尹壘三輓

鵬飛直上大羅遊仙不返想是帝旁無人憶昔時從戎投筆奉使乘槎原期東亞西歐空

際握權樹異幟

噩耗驚傳全國烈士興悲慨彼客星墜地縱今日勒石爲碑范金鑄像堪孤兒寡婦堂

前酒淚進斑衣

步兵二十五團團長魏明山輓

槎浮直傍九霄遊方期馮虛馭風豪氣前無博望傳

鵬運去以六月息詎料緹羽折翼愴懷怕覽漆園文

陸軍上校吳振輓

陶侃夢耶令威仙耶撒老母棄孤兒霎時拋却人間廿六功名塵與土

屈平投矣揚雄墜矣下黃泉上碧落五體橫飛天際滿腔熱血雨和烟

陸軍部軍學司科長吳經明輓

壯亞陸之雄圖技術隊仿泰西諸飛行家方期能挽轉乾坤撐持宇宙

登天門而夢覺霎時間失吾國一豪傑士那得不魂銷異地淚洒空山

參謀本部七局科長范騰霄輓

飛行原重國防天步艱難奚惜肝腦塗地尸骨沈沙一日犧牲性命

空際亦關界務帝心簡在定偕風伯掃塵雨師洒道九霄拱衛瑤京

楚北朱和中輓

空中願繼徐柏林奈放艇歸來肆虐封姨遭薊北

地下若逢德路乞幸異材萃處同盟雄鬼訂歐西

陸軍第七師機關槍二連輓

浩氣薄風雲何難骨碎

大名垂宇宙不貴身全

鄉愚弟胡荆璞輓

兩處弔忠魂秉春秋筆作永訣詩試看墨客騷人哭聲震地

九霄充浩氣以仙骨身演飛行術定許瓊樓玉宇靈爽歸天

穎邑蘇振基輓

天心尙可問乎正當此國事多艱飛行家又弱一個

君歸不復返也縱後來英才繼起偉烈士能有幾人

穎上縣第六鎮區仁里學校全體輓

大將星沈英雄洒淚

玉樓召赴天地含悲

穎邑楊樹鼎輓

奮翼矢孤忠存心應有帝臨女

結纓成大慟灑淚長呼天祝予

本校校長秦國鏞輓

我愧未游奇肱按部就班也欣寓目全窺豹

君身自有仙骨高飛破壁不待點睛始化龍

本校教育長王鵬輓

我從歐美而還值航術萌芽方期與二三子研究飛行進步講求製造新機輕車熟路指

願間練就空軍上不負國家下不負師友

君薄雲霄以去竟罡風墮落劇令此一兩年前功盡化浮烟成績同悲逝水粉骨碎身瞬

息稟變爲異物仰誰憐老母俯誰憐孤兒

本校教員厲汝燕輓

空中計九萬長途扶搖直上願同志莫有戒心一番蹉跎一番進步

前去即三千弱水道岸誕登縱斯人陡驚蛻羽幾個飛渡幾個神仙

本校駕駛班長鮑丙辰姚錫九同輓

練陸軍難練海軍，難練空軍，尤難風雲雷雨虐我，則讎未見，敵人已先殞。
習山行易，習水行易，習飛行不易耳。目心思稍縱，卽逝置諸死地而後生。

本校教員兼繙譯劉萬齡

先生將何之，升於天，復降於地。

死者長已矣，入其室不見其人。

本校副官佟濟煦

日監在茲，飄然長往。

風其吹女，不能奮飛。

教員趙幹臣

五千年絕學肇興，周官未補，莫可師承，製造乃飛行基礎，愧我輩皆庸材，靈巧不如公輪，專精不如墨翟，神思不如諸葛，妙想不如奇肱，但需才孔亟，惟鍾子期是賞音，值茲遺大投艱，忍致隨令威化鶴，太白騎鯨以去。

廿世紀領空爭霸，歐戰方酣，各修軍實，凌虛作攻，敵沙場羨君身，有仙骨，御風類似禦寇，乘雲類似海瓊，泛河類似張騫，追日類似夸父，况幻象成真，推徐柏林爲知己，際此招魂展奠，當必偕杜史跨牛，穆王馭駿而來。

本校廠長潘世忠
副秦秀成 同輓

浩氣凌九霄挾雷電以化龍殉飛矯首惟徐子

英風仰萬古悵雲天而思鶴觸景傷心有楚狂

本校正修輯倪惠淵

異軍突起我聽步虛聲記曾健翻高翔軼公輸焉奇肱車柏林艇駕歐亞而上之廿世紀
物質競爭汽界靈回旋準擬組成航行隊

如鳥數飛君爲勤學死料得英靈不滅化令威鶴精衛石杜宇魂留羽毛於萬古三千人
弔者大悅颺輪馳恍惚場來呵護霸空權

本校副修輯周霖

成敗無可言愧我未凌雲楊億不逢空作賦

死生奚足惜羨君早投筆班超有志懶備書

本校正書記戴家容
副書記戴誠

讀蜀漢書流馬豔稱武鄉侯但致用軍中祇有運糧堪小試

覽戰國史飛鳶爭說公輸子雖升騰天半未聞駕駛比先生

本校正軍需張繩武
副軍需霍先丙

宇宙亦虛舟行善御風斯人已乘黃鶴去

光陰真過客力窮追日此地惟有白雲飛

本校司事全體同輯
錄事

負骸體之七尺死生何足重輕最可痛瞬息罹災片語未商後事
駕羽轂於九霄朝暮宜勤練習願從茲精神奮發同人莫鑒前車

本校學員杜保銘

尉遲長孫華管

同輓

盟誓始學飛行家碎身粉骨六十人同心君遂初衷稱快事

槍懷共開泊悼會白馬素車三千客灑淚我慚復死弔先生 本校學員洪尙愚輓

立志與大鵬齊飛雖翼折骨摧不掩空軍真面目

疏防遭狂颶殞命乃名揚聲顯堪酬烈士苦心腸

本校學員趙勳輓

全國震哀聲一死重於泰山壯士何修遽至此

環球知姓字五洲珍若和璧丈夫立志當如斯

視弟 杜昌祿徐永昌 同輓

時勢正多艱破浪乘風方期百歲白頭與君同心維世運

英雄竟不壽拋妻別子只餘一坏黃土令我何處弔忠魂

本校學員王鳳翔輓

青山綠水淋漓竟何之君已借列子御風而行冷然善也

碧落黃泉茫茫苦不見我且學宋玉作賦以弔魂兮歸來

視弟劉文紀輓

遺骨寄燕山裏此尸恨無馬革

招魂歸皖水待來世再奮鵬程

硯弟 劉明章 汪先綸 同輓
劉振國 金世中

十年學劍半世讀書方期壯志雲霓遠紹奇肱同報國

萬里扶搖一朝遠逝太息故人風雨末由抵掌再談兵

硯弟趙雲鵬輓

同學無多共說青雲有路指日論功忽摧輪折翼片刻判升沈一失足成千古恨

高堂垂老可憐白髮傷心臨風洒淚對寡媳弱孫七旬受孤苦百年定益九原悲

硯弟關忠銘輓

陣雁共橫天比翼凌空舉宜僚之丸郢人之斧由基之箭造父之車於今皆碌碌無奇可

擬者祇有列子御風冷然善也

木鷲驚墜地捐軀冒險計雕題以南流沙以西扶桑以東增冰以北惟君正翩翩年少傷

心哉且告巫陽筮夢魂兮歸來

硯弟 杜裕源 關庚泉 輓
金賢 吳經文

滄海幾蹇裳相期破浪乘風努力構成新世界

太空忽折翼從此凌霄振翮靈魂應作飛將軍

硯弟 蔡祖堯 唐喜庭 輓
曹崇俊 莊以臨

九萬里羽翮冲霄墜
鳶縱令銷魂馳譽龍城眞烈士

廿世紀航空爭霸駕駛無殊
臨敵裹尸馬革是英雄

硯弟吳白永魁錢道斌
輓

一飛雖鏃羽

千載尙稱雄

硯弟章 斌鞠躬輓

生寄死歸尋常耳
惟捐軀爲國重於泰山四海黔黎驚鶴化
通天達地何壯哉
矧殉藝亡身竟成烈士千秋青史蜚鴻聲

硯弟楊彥李金成馬恩錫靳西銘同輓

覽列強虎視支那鬥智角能如先生
撒手歸眞薄海動哀思一死洵稱快事
痛殺魂鯨騎仙逝
拋家棄國剩我蜚庸材
鮮據益州聞噩耗寸衷倍切傷心

駐川分隊學員劉旣長李藻麟 吳振璽秦仁忠 宋德元 徐福生 黃守利 等輓

君薄雲霄去矣奮志捐軀不惜身家爲國死

我思義勇昭然素車白馬同揮血淚弔忠魂

硯弟趙雲鵬 吳振璽李藻麟 劉旣長 同輓

此際騎鯨西去悵孤客魂魄失依天邊雲冷塞上風寒珍重前途勸君更進一杯酒

他年跨鶴東還祝先生英雄蓋世手挽乾坤肩挑日月維新景運與爾同銷萬古愁

保定航站司事姚尙志輓

遠志誤當歸河山迢遞悵穎上鄉關未得爲許由洗耳考叔遺羹壯士不還終古恨
凌空圖進步海水橫飛憂亞東危局獨願學列子御風夸父追日捐軀雖慘盛名芳

本校技工班長姚國瑛班目曹玉棟章文通同輓

走馬西來欲到天蜀道聽鶻啼傳君噩耗八千里

憑欄北望常依斗薊門驚鳶墜悼爾英魂億萬家 四川飛機隊辦事員孫成海輓

瓊階以人力而升冒險探奇列子生時真稱健者

實業與空軍相輔角能鬪智鍾期死後誰是知音

本校正班技工全體輓

雲中白鶴天半朱霞逸世清標留萬古

馬革英雄龍城飛將千霄壯烈著千秋 本校新班技工關東祥等輓

駕駛欲登天正冀直冲霄漢上萬里扶搖練就空軍酬祖國

飛鴻方振翮偏遭弗測風雲洒五衷熱血甘拋性命爲同胞

本校辦事員屠義藻輓

碎骨粉身公真捐軀報國

望風洒淚我從何地招魂

本校士兵全體輓

精航空術作飛行家碎骨粉身英靈不昧

入忠義祠慨哲人萎捐軀報國正氣常存

穎邑楊漢霄輓

英雄胆力過人馮虛御風凌霄直上非不知此身一墜補救恒難而視死如歸要爲國家

謀幸福

壯士心腸似鐵精忠貫日遺骸橫陳那復問墮淚千行悲傷備至乃見危授命竟將血骨

振威名

鄰愚弟冉如松輓

舍生取義是丈夫憶當時壯志凌雲飄蕩蕩駕駛空中竟向鵬程奮翮去

視死如歸真男子雖今日飛行殞命炳炳烺烺馳名海內無殊馬革裹尸還

鄉小弟姚傳珍輓

早歲訂莫逆交自成焉削木國事關心方期九萬里直奮鵬程願上扶搖保黃種
大才遭造物忌竟跨鶴昇仙終天遺恨值此廿六齡便封馬鬣空餘坏土唁青燐

愚表弟楊樹桐輓

萬古聚精魂恨未能奮績龍驤徒使英聲充宇宙

千秋傳烈士依然是殉身馬革獨留正氣壯河山

穎邑楊錦江輓

挂寶劍而念舊情奇節異行千古以還思季子

碎瑤琴以傷知己高山流水一誠相感慕伯牙

鄉愚弟姚澄清輓

造物太無情竟折干城腹心將

航空誠有膽愧殺貪生怕死徒

汴梁陸軍學校學員鄉愚弟姚斌輓

毅魄歸天宇垂大名不愧雲霄萬古

將星墜地鬼神欽英烈何妨俎豆千秋

鄉愚弟王道接輓

萬里鵬飛八荒共仰

九天鶴化四海同悲

鄉愚弟王靜仁輓

雲霄氣薄羨君有志有才捐七尺軀肯替神州保種族
桑梓情深縱我非親非友洒幾行淚竊爲政府哭棟梁

鄉小弟趙一軌

爲國捐軀已令大名垂宇宙

飛行殞命早頒卹典報英雄

贛省熊德錦軌

霄漢間惟飛將展奇異材能堪抵制歐風美雨

陸海外賴空軍成非常事業又何妨碎骨粉身

鄉愚弟余尙志軌

神交無間死生蝶化漆園當入夢

壯志直冲霄漢槎乘博望快凌虛

鄉愚弟穆建廷軌

無翅能飛同胞已皆誇絕藝

撫心暗想大造或亦愛奇材

鄉愚弟穆駿聲軌

爲國捐軀大節依然苦節

救民有志飛航即是慈航

鄉愚弟穆 鑫軌

逝者如斯無殊李白騎鯨去

公歸不復可效令威化鶴來

鄉愚弟穆樹棋輓

探奇冒險患有所不辟焉方諸舍生取義殺身成仁大節亦昭然直與河山並壽

獎學卹亡典無妨其隆也且喜樹之風聲表厥宅里盛名長弗朽儼同日月爭光

鄉愚弟徐廷顯輓

公才本巨擘航空家生而爲傑死而爲英縱教黃土埋君應呼支那一雄鬼

我輩正熱心社會學來者誰開往者誰繼可恨蒼穹嫉技頓失飛界大將軍

鄉愚弟楊漢紳輓

破萬里浪乘長空風天意蒼茫遽折雲中健將

披一品衣碎九仙骨帝心簡在未忘地下英魂 霍邑高等小學校畢業張大中輓

辛苦已數年祇期學開萬世技冠五洲那想詔赴玉樓半空中竟隨鶴化去

卹庸超衆士試讀策令頻頒寵章數異始知恩殊金闕九重上早沛鴻施來

霍邑張鴻度輓

碎骨無論矣惟傷學富身亡九泉下英魂莫慰

疾名不稱乎直令君吁臣歎兩大間浩氣常存

鄉愚弟楊惠暉

流水高山知音已沒琴爲碎

臨風對月大雅云亡玉竟埋

如弟徐精一

生英雄死亦英雄乘風破浪有志未伸直令英雄短氣

家歎惜國尤歎惜折翼摧輪回天無術空教歎惜長歌

霍邑如兄張敬猷

大丈夫視死如歸覆艇乃遂成仁志

真豪傑舍生取義捐軀仍抱愛國心

鄉愚弟孫清和

有丈夫氣概豪傑肝腸九萬里勵志高飛方期翮奮冲霄直前向亞雨歐風營樹幟
具列子雄才公輸奇技數千年昌明絕學詎料夢符折翼此後惟燕山潁水溯行踪

鄉愚弟王國賓

飛行竟至亡身生也榮死也哀洋洋聲名光梓里

殉藝兼能報國仰不愧俯不忤凜凜氣概重華邦 世弟張華文張華國張華鏞

翹首青雲原思立功報國

關心黎庶豈惜碎骨粉身

愚表兄崔湛修輓

既有奇能維新世局

何妨殞命洋溢聲名

愚表弟崔齊修輓

自古登天難棄爾妻子棄爾身家獨思御氣憑虛創奇立異

由來報國重爲我人民爲我社稷縱令捐軀殞命雖死猶生

愚表兄崔行修輓

幽燕就學已經年丁令威化鶴歸來城郭人民思故里

皖穎鍾靈存正氣列禦寇御風行去蓬萊羽水渡飛仙

愚弟徐以敬孫慶和姚靖華姚傳珍徐鴻儒輓

國事艱難天步尤艱難列子御風行偏教翼折驚鳶墜

慈親寂寞孤兒更寂寞令威學仙去祇望鄉還化鶴來

世愚弟孫文治輓

大丈夫輪身報國原自生已不凡何心懸霄漢手掣海天碧玉茫茫忽驚飛鳶墜下

奇男子裹尸還鄉也知死而無恨但情重葭莩誼關桑梓英魂渺渺願化鶴歸來

愚弟楊其煥輓

馬革裹尸龍城暴骨英雄乃素志如斯拚一死以成名那怕他風雲變色
將星墜地列宿升天壯士之歸魂何在望九霄而戀吊殊令我桑梓含悲

王一世輓

搔首問老天不管人耶夫人未建業人未立功人之云亡令人抱恨
拊胸悲季子宛其死矣然死能流芳死能報國死而不死雖死猶雄

鄉愚弟陳東明輓

廿六年壯志未伸不圖破浪乘風輪摧竟作異鄉鬼

三千界英靈弗泯仍欲同仇殺敵隊逐難招上陣魂

族叔祖吳錫爵城淚輓

鴻毛偶遇罡風公忘私國忘家不愧延陵烈士

鶴舞忽逢亞雨生爲英死爲傑無慚震旦完人

族叔祖僧本蓮輓

駕飛機以破浪乘風蕩蕩飄飄獨遊乎三千世界

奠清酒而招魂洒淚悽悽慘慘傷倍於十二郎文

叔元卿輓

折翼已無身既歸泉路生難再

捐軀原爲國未到疆場死亦榮

族叔吳寶禮輓

憶延陵之家聲墮哉汝如在祖宗已榮門庭已顯姓字已芳奈報國志長祈年術短只餘

馬革裹尸還統友朋親戚族黨比閭齊洒淚

嗟竹林之情義休矣爾旣亡慈母誰奉少婦誰依遺孤誰託果邊防是重生公爲輕竟向

龍城奪標去對秋月春風雲山江水暗銷魂

族叔吳寶智澤淚輓

惜乎學焉留京師未肯生還竟六年而來返

族叔吳寶信輓

壯哉志也冲霄漢直拚死命任百折以不回

取義舍生名終不朽

叔吳樹輓

以身殉藝骨碎猶香

廿世紀空際爭霸權幸爾曹有志術習奇肱行看新朝光日月
叔祖吳輓

五大洲列強重飛將恨箕伯不仁慘遭折翼頻揮老淚洒河山

驥材本天成方追風逐日倏爾摧輪令數百萬同胞傷心齊洒淚
族兄吳輓

雁序由命定痛列陣分行無端羽鏃傳二千里噩耗聞訃欲斷腸

問賢弟何事蒼茫功未成勳未成德業未成空令英名垂宇宙

動愚兄百端哀感情也痛義也痛文字也痛拚將血淚洒河山

族兄吳瑞芝輓

憶曩時飛艇凌空一點丹心光冀北

痛此後竹林絕迹滿腔熱血洒江南

族叔吳延善輓

弟竟大歸廿餘年笑貌聲音欲說再逢只有買絲繡像

兄來薄奠三五輩親朋鄰友同茲一哭惟憑剪紙招魂

兄永諧 永遠輓

大丈夫死亦何妨要知碎骨粉身千秋論定

奇男子志不可奪試看忠臣良將幾個生還

兄思孝輓

志在凌雲縱令身摧名不朽

心圖報國雖然尸碎骨猶香

族弟瑞卿

燕頰相空談最慘者勤學廿六齡運厄侯封悲李廣

雁行翼果折傷心哉距家三千里天教妖夢踐荊州

族弟永明 永緒輓

傑士云亡空悲潁水

英靈不昧永鎮燕山

族兄吳彩雲輓

家庭無事序天倫一堂聚首伯氏吹壘仲氏吹簫不亦樂乎詎料十年就傅片刻殞身滿腔血洒向燕山七尺軀長捐易水

國步艱難當厄運百戰論功寡人之妻孤人之子非得已也况復八極御風九霄振翮瞬息裡摧殘鳶影剎那間折散雁行

兄吳克儉輓

乘風而行破浪而飛凌九霄以奏績焉得不謂之丈夫乎空軍握霸權方期絕學昌明雄稱東亞

壯志未酬奢願未償竟一朝爲散仙是弗欲平治天下也豪傑遭慘劇曷禁同聲痛哭淚洒西風

失名

爲國捐軀最慘者折其足折其臂更折其胸眞頭顱觸地血肉飛空但俯念倉粟謝四百兆同胞泉下如有知世世生啣環結草難圖報

遭家不造傷心哉死吾父死吾兄又死吾弟惟老母在堂孤兒繞膝想蝶夢鴟魂悲三千里故土鄉還豈無願朝朝暮暮苦雨悽風欲斷腸

出祧胞兄永齡泣輓

輓軸

壯志可欽

禁衛軍步兵第二團全體官佐恭輓

勇敢留芳

都護使紹
總務科科長福

英啓

都護副使治
司法科科長高祖佑

全鞠躬輓

英風宛在

江寧鎮守使禁衛軍師長王廷楨率全軍官兵敬輓

英風宛在

朱深鞠躬輓

第七師砲七團團長劉振玉香紙一提

護軍管理處花圈一對

法製局長顧鼐全體花圈一對

拱衛軍 李德勝 田有望 沈炳南

香紙全掛

參謀本部四局局長姚任支花圈二對

航空學校謹將領到 大總統發給已故學員吳永忠特郵及各處賻儀銀洋數

目並賜贈芳名開列於左

大總統特郵洋一千元

直隸左
翼巡防唐啟堯

天津鎮
守使署杜經田

黎副總統賻儀洋二百元

陳德麟

鄭輔貞

山西閻將軍行署及軍政各機關一百元

張紹緒

王錦成

十二混成旅全旅軍官一百元

趙廷凱

田鳳鳴

晉南鎮守使署一百元

王丕顯

溫克勤

晉北鎮守使署一百元

趙繼文

管惠田

鶴春

馬望援

馮彩林

江朝宗率營翼將士五十元

張輔廷

劉蘊真

袁得亮

閻振聲

海軍部軍法司司長陳壽彭及同人十元

白恩榮

陸軍第四師楊師長一百四十元

董富禮

等十元

七旅五十元

葉芳林

八旅五十元

上海鎮守使署 鄭汝成十元

趙禮元

騎四團二十元

陳宇鈞三元

張錫琛二元

砲四團二十元

呂夢符二元

范毓靈元

工輜兩營共二十元

元殿元一元

趙世臣一元

京師憲兵營同人全體二十元

杜純二元

王吉檀元

休寧縣旅京同人十元

鄧振淦一元

大理院書記廳同人十元

第二十師吳自堂一百元

車震十元

尙志學會二元

劉瑞十元

閻煥章十元

海軍部軍衡司十元

趙普蔭十元

趙蘭芝十元

馮國璋同禁衛軍辦公處全體一百元

范國璋四十元

張康侯十元

京師商務總會各行商會全體十元

王永壽十元

葉灼齋一元

吳炳湘率廳區各員二百元

吳琴軒二十元

石澄秋十元

稅務處五十元

陳澤普二十元

王子培十元

北京高等師範學校八元

周漢三十元

周光甲二十元

陸軍第三師曹師長率全部官佐二百元

劉君山十元

張建功十元

湖北陸軍測量局局長朱次璋等十五元

孫積孚五元

回富興五元

江西廬陵道公署六元

季毓麟五元

唐潤甫三元

江蘇齊巡按使四十元

杜奎四元

金陵道尹二十元

陸軍第一師蔡成勳八十元

張塋二十五元

蘇常道尹六元

陸鎔十元

沈廣聚二十五元

徐海道尹十元

李煥章四十元

孟效會二十五元

財政廳二十元

褚恩榮四十元

褚其祥二十五元

高等審檢廳十元

楊以來二十五元

章炳榮十元

蘇州警察廳二十元

陳銓衡十元

張守和十元

水警第二廳二十元

屈同湧十元

李錦芝十元

陸軍第六師師長葉頌清率全部一百元

張恩華十元

趙之齊十元

山東巡按使蔡儒楷一百元

趙雲亭十元

馮紹閱十元

秘書徐泰巖二元

王祖繁十元

高毓麟十元

高石如一元

靳永泰十元

鄧全興十元

政務廳長鄧璞君十元

趙堃紱十元

戴延續五元

總務科各員二十一元

崔霈十元

張玉書五元

內務科各員二十元

李譽俊十元

戴星五元

實業科各員十八元

張之浩十元

藍彬五元

教育科各員十四元

王玉魁五元

于炳洪五元

司法科各員陸元

傅宗漢五元

海軍部
軍械司

吳紉禮五元

盧毅一元

外交科各員三元

黃健元二元

萬嘉璧一元

財政廳長暨各科長科員等一百元

姚葵常一元

張哲訓一元

濟南道尹暨各科長科員等五十元

朱天奎一元

喜昌一元

運暑王運使暨各科長科員等一百元

鄭友益一元

龐德輔一元

鹽務稽核所長暨各科長科員八十元

楊夢熊一元

朱正霖一元

法政專門學校二十七元

陳士廉一元

袁瑞一元

工業專門學校十元

秦玉麒一元

宋增一元

商業專門學校十元

清史館趙爾巽十元

李經畬二元

高等師範學校十五元

金還四元

陳漢第四元

第一中學校五元

趙世駿一元

藍鈺一元

歷城縣視學陳棟十元

姚永樸一元

袁金鎧一元

公立農業專門學校十元

陳延鐸一元

張啓後二元

第一女子師範學校二元五角

韓樸存一元

王大鈞二元

歷城縣知事熊填十元

羅惇蟲一元

章鈺二元

南嵩軍河統領劉鎮華率部屬一百五十元

夏孫桐一元

田應璜一元

南昌商務總會十元

李哲明一元

張書雲一元

淮安關監督公署八元

楊晉一元

吳懷清一元

江蘇水警第一廳四十元

萬本端一元

賂成昌一元

湖南陶巡按使公署五十元

張采田一元

李孟符一元

湘江道尹公署十元

吳廣濡一元

何葆麟二元

湖南省城警察廳二十元

鄧邦述二元

袁勵準一元

冀南鎮守使二十元

俞陞雲一元

秦樹聲一元

直隸騎兵營營長劉燮松等十元

金兆豐一元

陳敬第一元

浙江甌海陳道尹十元

伍元芝一元

尹良一元

外交部曹次長二十元

劉濟一元

錫蔭一元

淮揚道尹公署十元

鹽務署龔心湛二十元

李思浩四元

陳寬沅五元

錢錦孫四元

章恩壽二元

林攝五元

沈慶輝二元

朱文鈞一元

吳昭麟五元

徐 翹一元

章祖僊一元

丁 錦五元

張同皋一元

吳晉夔一元

郭葆昌四元

林志烜一元

管雲臣三十元

直隸第八
路巡防

潘金山四十元

李玉海八元

王亨鑒十元

姜鳳山八元

李 蔚八元

姜文熙五元

龔建勳八元

張延齡二元

劉葆光五元

張克勳二元

黃德馨二元

王國楨十元

張金剛二元

王景賢二元

商德全二十元

關振中二元

王永成二元

張 勳五十元

陳國守二元

曹廣福二元

戚 揚四十元

劉國植二元

李洪光一元

蕭良臣三十元

高守正一元

李鳳山一元

徐邦傑十元

龐振綱一元

金兆熊一元

高魯三元

周詒春五元

馬龍標十元

王文豹二元

周學熙十元

王家駒二元

宋煒臣四元

馮麟霽二元

江瀚十元

吳振南

劉家儀

吳傳綬

池仲佑

等十元

曹金標一元

戴錫良一元

楊萬勝一元

洗則明一元

李得功一元

河南將軍行署
趙倜 一百二十八元

丁芳亭八元

馬雨臣八元

方景春八元

許得勝八元

李森十元

胡玉振五元

陸軍四十七旅九十三團

參謀本部唐在禮五十元

李樹梅一元

趙猷山一元

魏連陞一元

王茂林一元

賀永達一元

馬志敏十二元

馬善甫八元

尤蔭軒八元

劉宗清八元

李鵬舉五元

王恩毓五元

董鴻達五元

姚任支二十元

徐興倉

雷壽榮五元

伍觀淇十元

劉寶銘

戴景星五元

馬興邦四元

張鳳翔十元

劉恢一元

寶寶賢一元

熊希齡三十元

余鵬舉五元

丁汝晟一元

聯芳十元

劉文錯一元

毛維經一元

郭以保四元

胡承祜五元

范滋澤一元

梁上棟

劉復一元

吳元敏二元

張伯英

王樹常一元

程守先一元

塔齊賢

彭渠一元

陸平一元

劉汝柏

譚家駿一元

葉佩薰一元

沈金鑑四元

李緝熙一元

彭國嘉一元

龍裕光十元

許有德一元

錢桐二元

何立朝五十元

胡慶格一元

華嵩銘一元

王元普

蘇錫第一元

蔣紹呂一元

李福全十元

金毓承一元

于文華一元

徐寶珍四元

應振復一元

吳爾信一元

張文生十元

麟 祐一元

閻繼蔭二元

席 鏢五元

謝全考一元

傅恩祐二元

李殿臣五元

張 泉一元

湯漢卿一元

方本仁五元

何永嘉一元

金熙昌一元

楊恩培五元

王德璧一元

方壽齡一元

劉同春五元

馬晉卿一元

門書紳一元

趙寶箴五元

齊國璜一元

黃家濂二元

吳金彪十元

葛 禧一元

易兆鴻一元

吳得芳三元

朱銘瑤二元

吳敬羣一元

曾紀銘二元

毛保乾一元

鄭迺鑑一元

梁心田十元

鄧錦標一元

吳兆蓉二元

張仲仁十元

崔承熾五元

劉崢嶸一元

呂公望二十元

繆安臣一元

鄭長垣一元

張行志六元

劉士芸一元

楊耀嵐二元

劉冠雄二十元

李德昭一元

周樹廉一元

湯薌銘四十元

王書紳一元

王宗祁一元

王猷廷十元

于啓明一元

陳席珍二元

王餘慶十元

周凝修二元

劉 光二元

李純五百元

五局同人共十元

六局同人共十元

王 擘一元

七局同人共十元

教育部編審處陳文哲一元

工業專門學校許繩祖一元

王永旻一元

朱文熊一元

胡樹楷一元

錢家澄一元

高步瀛一元

林志琇一元

張 亮一元

毛邦偉一元

薛楷一元

王季緒一元

陳衡恪一元

陳器一元

洪鏞一元

羅愷暴一元

本校職員秦國鏞四十元·王鶚五元

教育部中央觀象臺王世鏐一元

趙幹臣五元

鮑內辰五元

蔣丙然一元

厲汝燕五元

姚錫九五元

常福元一元

劉萬齡三元

潘世忠五元

李勃一元

佟濟煦五元

秦秀成一元

薩君陸一元

張繩武二元

翟先丙一元

閻兆祥一元

倪惠淵三元

戴家容二元

周良熙一元

俞誠一元

周霖一元

黃世暉一元

本學校員趙廣才二元

趙毓良一元

郭世鈞一元

劉保泰二元

柯宗標二元

楊壽齡一元

馬志奇五元

章斌三元

劉田甫一元

方抱一二元

高揖二元

呂富永一元

汪豐三元

傅國棟二元

劉華式一元

尉遲良二元

洪尙愚二元

鄭禮慶一元

關文海二元

曹崇俊二元

唐文源一元

杜昌祿五元

莊以臨四元

湖北陸軍第三旅旅長盧金山二十元

趙希曾二元

吳經文十元

黃家楷十元

張凱四元

關忠銘三元

王士英十元

趙勳十元

孫華管五元

黃治坤十五元

馬桂山一元

蔡祖堯五元

陶冶民十元

王鳳翔五元

汪先綸三元

宋大霈十元

楊豸三元

劉明章二元

張殿元十元

關庚潔三元

張納墀五元

張世永十元

金世忠三元

李金成六元

王應奎十五元

馬恩錫三元

胡文彬二元

衛振標十元

金賢二元

黃靜波三元

劉宗儀十元

翁淞泉二元

趙步墀三元

周錚十元

吳鏞二元

唐喜良二元

徐傳璧十元

錢迺斌三元

白永魁二元

趙雲鵬十元

張裕二元

杜裕源五元

劉振國五元

靳西銘二元

杜保銘五元

趙雲鵬七元

以上共收大龍洋七千零五十五元五角

陸軍第七師張師長代收前項贖儀銀洋數目暨賜贈芳名列後

拱衛軍李總司令捷三代捐一百四拾四

奉天將軍孟樹村代捐三百八十九元

左路統領李華菴二十元

第二十師師長張雨廷代捐二百四十八元

右路統領劉文華二十元

雲南唐將軍一百元

第十師師長盧子甲代捐

一百八十八元

薊榆范鎮守使五十元

禁衛軍留守司令田凱廷代捐

二十七元一角

第七師師長張敬堯代捐一百一十二元

以上共收洋一千二百九十二元七角

以上總共收洋八千三百四十八元二角

刊誤表

頁數	六	八	十四	十五	十八	十九	十九	二十四	二十六	二十七	二十七	二十七
行數	四	七	六	五	十二	二	三	八	十二	十	十	十一
字數	六	五	十七	四	三十四	二十九	六	一	一	三十二	四	二十九
正字	戎	軍	目	鑲	總(落)	死(落)		大元(落)	大總(落)	而	不	樽
誤字	找	車	白	鍛		要(衍)				不	之	
頁數	二十八	二十八	三十四	三十七	三十九	四十五	四十六	五十	五十	五十二	五十二	五十五
行數	一	二	十二	一	一	十二	二	九	十	九	九	五
字數	三十四	三十四	二十		一	陸(落)	陸(落)	七	七	一	八	十四
正字	可	責	覆	詩歌	竊			空	稷	奮	此(落)	無
誤字	責	國	鑿	輓	竊			定	程	奮		芸

真	數	行	數	字	數	正	字	誤	字	頁	數	行	數	字	數	正	字	誤	數
五十九	四	一	粉	紛	紛	粉	紛	紛	紛	一百三十三	十一	一	吳家儀	劉	劉	劉	劉	劉	劉
六十七	三	二十	翼	翼	翼	翼	翼	翼	翼	一百三十三	十二	一	劉傳綬	吳	劉	劉	劉	劉	劉
八十六	五	十五	扇	扇	扇	扇	扇	扇	扇	一百三十四	五		劉錯文	文	錯	文	錯	文	錯
八十九	五	九	蓬	蓬	蓬	蓬	蓬	蓬	蓬	一百三十六	三		鄭長垣	垣	鄭	長	垣	鄭	長
九十九	六	七	粉	粉	粉	粉	粉	粉	粉	一百三十七	十一		本校學員	學	校	學	校	學	校
一〇二	十二	五	燕	燕	燕	燕	燕	燕	燕	一百三十九	五	二	徐傳璧	傳	璧	徐	傳	璧	徐
一百一十一	五	十九	後	復	復	復	復	復	復	一百三十九	十二	十四	元(落)	元	(落)	元	(落)	元	(落)
一百二十一	五	二十二	朽	死	死	死	死	死	死	一百三十九	十三		二十七師	落	七	師	落	七	師
一百二十八	九		周漢三	三字不	三字不	三字不	三字不	三字不	三字不										
一百二十八	九		孟效會	會	會	會	會	會	會										
一百三〇〇	十二	一	熊壇	壇	壇	壇	壇	壇	壇										
一百三〇〇	十三	七	河(落)																

